

LEBAKA LA

KEREKE YA THIATHIRA

 Bjale bošegong bjo re... Feela pele re eya ka go lebaka le le legolo la kereke... Ke—ke no holofela Morena wa rena o tšhollela Moya wa Gagwe godimo ga rena feela... le go re šegofatša gape. Gomme re ka no betha mabalankwe bjale gobane, ka go tiragalo ye kgolo ye e tlago, re tla ba fa botelele beke yohle. Gomme, oo, bošegong bja go feta re bile le nako ya letago bjalo!

² Gabotse, bjale feela pele re bala Mangwalo, a re ka no fetola maemo a rena—a rena dinakwana di se kae le go ema bakeng sa lentšu la thapelo:

³ Tatawešo wa Legodimong wa mogau, re tla Leineng le le lekanetšego gohle la Morena Jesu, re tseba gore letšatši le lengwe O tla tla. Gomme re leka go lokiša dipelo tša batho go amogela kutollo ye kgolo ye gore O Morwa yo a phelago wa Modimo; o sego wa hwa, eupša o a phela go ya go ile; le go phela ka Kerekeng ya Gago bjalo ka Hlatse ya Pentecost, ka ga nako yela ye kgolo ge nako ya boitapollo e tla tla go tšwa Bogoneng bja Morena. Re thakgetše go ipshina ka tšona dinako tlase fa ka morago ga mengwaga ye lekgolo lesomesenyane.

⁴ Gomme, Tate, ka go kokobela re inamiša dihlogo tša rena ka tlhompho ya banna ba ba bagolo tlase go kgabola mabaka, dinaledi tšela tše O di swerego ka seatleng sa Gago, tše O rilego e be e le, “barongwa go Mabaka a Kereke,” badiredi. Re Go leboga bjang bakeng sa Mokgethwa Paulo, wa Efeso. Re Go leboga bjang bakeng sa Irenaeus, O Morena, Irenaeus mohlanka wa Gago yo mogolo; le bakeng sa Mokgethwa Martin; gomme bošegong bjo bakeng sa Mokgethwa Columba. Morena, re Go leboga bjang bakeng sa banna ba. Ka magareng ga Boroma bja leswiswi, bohetene bo etla ka kerekeng, ba eme bogale bakeng sa Molaetsa wa pentecostal le ditšhegofatšo, ba bolela ka maleme, gomme—gomme maswao a magolo le matete, go fodišwa ga balwetši, le go tsoša bahu.

⁵ Bontši bja bona, Morena, ba kgeigantšwe, le go bolawa, le go fepša go ditau; dilo tše kgolo di diregile. Lefase le thapišitšwe ka madi a baloki. Gomme, Tate, madi a bona a goelela lehono kgahlanong le yela ye mpe, kereke ya bootswa. Gomme O rile, letšatši le lengwe ge O tšholletše... “Morongwa o tšholletše moruswi wa gagwe godimo ga yona, gomme ma—ma madi a mohwelatumelo yo mongwe le yo mongwe a hweditšwe ka go yona.”

⁶ Morena, re thuše go ba le . . . ba komana go ema bjale, gobane nako e tswalelala ka gare. Bjale ka ge re bona sebata se sa nakapedi se tsogela godimo go tšwa lefaseng, e sego go tšwa go matshwetetshwete le mašabašaba a batho, "Ka dinaka boka kwana, eupša se boletše boka terakone." Re dumela iri yeo e kgauswi go batamela bjale, Tate, ge dikereke tše di ikgobokanya tšonabeng mmogo, "Go direla sebata seswantšho"; gomme go tla šiiša go sehlopha seo, Morena, seo se ka se tšoenego. Yona kiletšo e tla tla, eupša iring yeo O tshepišitše go tsea Kereke ya Gago. Re thuše, Morena.

⁷ Pele lerothi le tee la meetse le ewa, Noage o be a le ka arekeng. Pele mollo o ka betha Sodoma, Lota o be a sepetše. Tate, re a dumela, pele maatla a athomo a ka tsoge a rathaganya lefase le ka marathana, Kereke e tla be e sepetše. Re thakgetše kudu, Morena. Gomme, re a tseba gore dipomo di lekeletše mefegong, bošegong bjo.

⁸ Gomme re ka lebelela go leba Legodimong gomme ra bona Morwa wa motho a phagama go tloga Teroneng ya Gagwe go thoma go leba lefaseng bakeng sa Tlhatlogo ya Kereke, le go tseba gore maoto a Gagwe a bohlokwa a ka se kgwathe lefase le la sebe nakong yeo; gobane boka Rebeka a nametše kamela le go fologa kamela, thwi magareng ga ngwako wa Abraham, ntle tšhemong o kopane le monyalwa wa gagwe. O Modimo, gomme Kereke e tla kopana le Monyalwa wa rena sebakabakeng, "Gobane rena ba re phelago le go šala re ka se thibele goba go palediša bale ba robetšego. Phalafala ya Modimo e tla gowa, bahu ka go Kriste ba tla tsoga pele, gomme re tla ubulewa godimo mmogo le bona go kopana le Morena (ka tšhemong) ka sebakabakeng, le go ba le Yena go ya go ile."

⁹ Oo, re thuše, bošegong bjo, Morena. Re fe bobose bja Meboya ya rena, gomme o tloše kgalako yohle le ditshèle go tloga go rena, gomme ake re tolodge bjalo ka Moya wo Mokgethwa. Anke Morongwa wa Modimo a buše bošegong bjo.

¹⁰ Morena, ga ke tsebe ke bolele eng go batho ba. Bjale, ke ne dihistori le dilo di ngwadilwe tša se O se dirilego, eupša go tsea Wena go hlatholla bokamoso, kafao ke a rapela gore O tla e fa ka Leina la Jesu Kriste. Amene.

¹¹ Bjale anke re phetleng bjale go Puku ya Kutollo. Gomme bošegong bjo re go lebaka la kereke la . . . Lebaka la bone la kereke, Thiathira, lebaka la kereke le legolo le tsebjago bjalo ka Lebaka la Leswiswi. Lebaka le la kereke le thoma ka 606 gomme morago le fedile ka 1520. Ke . . . E bile tšohle ke kgonnego go dira, go e topela ntle. Baithuti ba bantši ba tšea—tšea Mokgethwa Patrick go ba naledi goba . . . yo mongwe le yo mongwe . . .

¹² *Dinaledi tše šupago* e be e le "barongwa ba šupago" ba Mabaka a Šupago a Kereke. Re a tseba gosasa bošego, ntle le pelaelo, Luther; gomme morago Wesley. Ga re tsebe naledi ya

kereke ye ya Laodikia e tla ba mang. Ke . . . Re ka go lebaka bjale, re bile ge e sa le 1906 mo mathomong a Pentecost. Eupša go tla ba morongwa a tsogago yoo a tla pšhatlaganyago dithutotaelo tšohle, a iša Kereke go ba komana go ya Gae. Bjale, yo mongwe makgone wa—wa . . . ka Moyeng, yoo a tla tsogago ka maswao le matete. Bjale, ke a rapela gore Modimo o tla re thuša go tseba se.

¹³ Go hlaoleng se, go lebeleng go kgabola, Mokgethwa Patrick o be a le mothaka yo mogolo. Gomme go hwetšeng tše dingwe tša dingwalwa tša bogologolo tša kgale, Mokgethwa Patrick o be a se Mokatoliki. O gwabetše kereke ya Katoliki. Gomme nakong ya Mpshafatšo, thutotaelo yela ba bilego le yona e ile ya epollwa, gomme ya netefatša gore Mokgethwa Patrick o gwabetše kereke ya Katoliki. Gore . . . Mokgethwa Patrick o be a le bontši boka monna wa mokgatlo, o bile le sekolo sa gagwe mong. Sa pele o . . . ge a be a utswišwe mašing a lewatle, yena, le dikgaetšedi tša gagwe tše pedi tše a sa nkago a tsoge a kwa ka tšona gape. Ba ile ba tšeelwa, mohlomongwe go Roma le go rekišwa bakeng sa makgoba. O ile a tšewa gape gomme a rekišwa bjalo ka lekgoba gomme o ile a fiwa mošomo go dišeng dikolobe.

¹⁴ O katišitše dimpša go—go hlokomela dikolobe, le go ya pele; gomme di be di etla ka megobo ya go fapana le dilo tše a bego a tla fa dimpša. Gomme yeo mafelelong e bile tsela ya go phonyokga, ka botlase bja sekepe, ge dimpša di mo khupeditše go fihlela a eya ntle ka lewatleng. Moragorago a tla lefelong la gabola go ratega, Ireland, gomme o hweditše mmagwe le tatagwe ba sa phela. Gomme Mokgethwa Patrick o be a le mo—mo motlogolo wa yo mogolo Mokgethwa Martin.

¹⁵ Yo, o be a le yo mongwe wa ba bagologolo bao re kilego ra ke ra ba le bona mo mothalang wa batho ge e sa le Jesu Kriste, e bile Mokgethwa Martin. Dikereke tša gagwe tšohle di be di tladitšwe ka Moya wo Mokgethwa, bohole ba boletše ka maleme, ba bile le maswao le matete, le mehlolo, feela mehuta yohle ya mehlolo e direga. O bolokile Tumelo ya pentecostal ka gareng ga lebaka lela la kereke leo le bego le nyetšwe ke Bokatoliki; bohetene le Banikolaite ba nyalane mmogo, go dira mokgatlo. Gomme go direng ba—ba Banikolaite . . . Seo re ba bitšago *Nicko*, go ra “go fenza.” “Go fenza goba go fekeetsa maloko,” le go tloša Moya wo Mokgethwa kgole le phuthego, gomme “ke feela moprista a lego yo mokgethwa, ke feela monna.” Le a bona? Gomme morago ba phela ka tsela e ka ba efe ba nyakago, ke a thanka, gomme ge feela o ipolela yona go moprista. Gona ba . . .

¹⁶ Go hweditšwe bošegong bja go feta, gore—gore ba ba beile, gore Constantine o beile pišopo wa mathomo, le go e bea . . . go fa meago wo go bona, ge re le fa matšatšikgwedi le se sengwe seo le se ngwadilego. Gomme morago ba bile le mokete wo mogolo wa seremo, e bego e le letšatši la 21 Desemere, letšatši le lekopanakopana ngwageng. Gomme ba tlišitše bohlanogi bjo, e lego, gore O be a le “letšatši mosegare.” Le a bona, le—le letšatši

la matswalo a letšatši, ba tlišitše matswalo a Jesu Kriste go tloga go Aporele go ya godimo go la 25 Desemere.

¹⁷ La 25 Desemere. Go kgabaganya matšatši ale a mahlano ge Baroma ba bile le meketeko ya bona ye megolo, disorokisi, le go ya pele, gomme ke ge ba bile le mokete wo mogolo wo wa bohetene. Gomme ba beile monna yo bjalo ka modimo yenamong godimo fale, gomme ba mo apešitše le se sengwe le se sengwe. Gomme ba bile le modimo wa bona le bona thwi. Gomme...ke ge batho ba morago ga mileniamo ba etla go beng gona, thwi fale, gobane ba naganne kereke e be e le ka go Mileniamo thwi fale. Le a bona, gobane ba be ba humile, ba sa hloke selo, mmušo le kereke di kopane. "Mileniamo o a kgatlampana," e sa le thuto ya Katoliki go fihla letšatšing le. Le a bona? Bjale, "Mileniamo o kgatlampana," gobane re a tseba gore seo ke phošo. Mileniamo: Go tla la Bobedi ga Kriste go tliša Mileniamo. Yeo ke nnete.

Lefase le a tsetsela, le llela letšatši leo la
khunologo ye bose,
Ge Morena wa rena a tla tla morago lefaseng
gape.

¹⁸ Bjale, mokgethwa yo mogolo fa yo e be e le Columba. O be a le monna yo mogolo wa Modimo.

¹⁹ Bjale, ke swere histori ya gagwe mokgwa wa go ngwalwa fa. Sa pele, lebaka la bone la kereke, *Thiathira*, go ra "go hlephiša, go nyefiša," goba "go thetherega." Le a bona? E be e no ba nako ya hlaba go tloga 606 go ya 1500.

²⁰ Naledi e be e le Columba, go tšwa Ireland le Scotland, a bego a le motlogolo wa Mokgethwa Martin; gomme o phetše e ka ba mengwaga ye masometshela morago ga Mokgethwa Patrick, gomme kafao bodiredi bja gagwe bo thomile e ka ba mengwaga ye masometshela ka morago ga Mokgethwa Patrick. Bja gagwe...

²¹ Ga se nke a tsoge a amogela thuto ya Roma. O be a le monna yo mogolo wa tumelo. O ganne thuto ya Roma; ga se nke a tsoge a ya Roma, gomme o e ganne gohlegohle. Ke, ga ke kgone go bona moo ba kilego ba mo godiša. Boka ba dirile Mokgethwa Martin le bona, ga se ba mo godiša yena le Irenaeus, gobane ba be ba sa le ka go Kereke yela yeo e bilego le maswao le matete a Pentecost, eupša ba dumetše. Ga se nke a tsoge a tšea thuto ya Roma, go dithuto tša bona. O tšere Beibele bakeng sa thuto go latela mmagwe wa go loka, kgaetsedi wa Mokgethwa Martin, gomme ga senke a tsoge a tšea dithuto tša Roma nakong e ka ba efe. O rutile gore maswao a Mareka 16 a swanetše go latela modumedi yo mongwe le yo mongwe. Amene! Ke...Yoo ke mohuta wa mothaka ke mo ratago; wa go dumela. Ee, mohlomphegi.

²² O—o kwele Segalontšu sa go kwagala sa Modimo se mmitša. Leo ke leswao le lengwe le lebotse go yena, le a bona. Ka gona ga se gona se kgonnego go mo thibela ka morago ga fao, o be a

ile, uh-hum, uh-huh, o be a le tseleng ge a kwele Segalontšu sa go kwagala sa Modimo.

²³ Mohlolo o tee... ke swere tše mmalwa dingw... fase fa, eupša ge re no tše wo o tee. Mohlolo o tee e bile gore ge a be a ile go toropokgolo tsoko yeo Morena a mo romilego go yona, gomme toropokgolo ga se e nyake go mo amogela, kafao ba ile ntle le go leka go...ba tšere borammino, le go ya pele, gomme ba tswaletše dikeiti le go leka go mo hweletša ka go raloka, borammino. Gomme o thomile go rera, gomme e hweleditše borammino gomme dikeiti tša bulega, o ile pele ka gare, a rera go le bjalo. O bile le sehlopha ka moka se sokologile.

²⁴ Wo mongwe šo wo monnyane ke tla ratago go no bolela ka ona. O ile ka go toropokgolo. Ba bile le ditoropokgolo tša bona di ageleditše ka maboto matšatšing ao, ke nnete. Kafao o ile go toropokgolo, gomme ba mo ganne. O be a tloga, gomme mošemane wa kgoši a babja wo šoro, gomme ba rometše go theoga tsela ka morago ga mokgethwa wa go loka. O boile morago gomme o laditše yenamong go kgabaganya mošemane wa go hwa, gomme a phela.

²⁵ Kereke ya gagwe e be e tletše ka Moya wo Mokgethwa, o be a ka se be le selo go hlaetša, gobane moleloko yo mongwe le yo mongwe wa kereke ya gagwe o swanetše go tlatšwa ka Moya wo Mokgethwa. Gomme o gwabile gomme o hloile boetapele bja Roma kudukudu. Ke a dumela o be a le naledi ya lebaka. O be a dira eng? Ka go bolela ka maleme, kolobetšo ya Moya wo Mokgethwa Leineng la Morena Jesu, go direng tšona dilo tšebo ba di thomilego. Ge Modimo a le tlhokamagomo, gomme ke tsela yeo A beilego Kereke ya Gagwe mathomong, e swanetše go dula bjalo, gomme e ne (e bile ka bonnyaneng) tsela yohle go theoga; go nyakile e pitletše ntle *fa*, e bowa morago gape ka Luther.

²⁶ Bjale, re nyaka go thoma bjale, le go bona ge re ka kgona go thoma go hwetša tše dingwe tša ditemana bjale, mo... re tla thoma go temana ya 18:

...go morongwa wa kereke ya Thiathira ngwala;...

²⁷ A le lemogile di—di ditebišo tše? Melaetša ye e lebišitše go barongwa, goba modiredi a rwelego Seetša sa lebaka leo la kereke. Le a bona? Bjale, bošegong bja go feta re hweditše, ka go tswaleleng ga lebaka le lengwe le la kereke ya—ya Peregamo, gore morongwa wa kereke (go fenyeng ga lebaka le la kereke) o tla amogela letlapa. Gomme ka go letlapa le...

²⁸ Bjale, re tšere “letlapa” gomme ra le swantšha, le ra “leswika.” Ke eng? Morongwa o tla ba boka Petro, a biditšwego “letlapa.”

²⁹ O hwetša gore leina la gago le ne seabe bophelong bja gago. Bjale, ga ke kgone go ya pele kudu ka seo, gobane diabolo o ne thutopalo ya maaka; re tseba seo; o thoma batho ba *ikwela*, le go ya pele ka mokgwa woo, ye e kitimelago ka go bosemoya. Gomme

bosemoya ke bja diabolo. Re tseba seo. Gomme ke tsela yeo, le swanetše go šetša. Boka ba . . .

³⁰ Lebaka le ba biditšego Jesu “Belesebubu,” “diabolo,” gobane, le a bona, O kgonne go hlatha dikgopololo tša monagano wa bona. Le a bona, eupša O be a le Lentšu la Modimo. Gomme Bahebere 4 e rile, “Lentšu la Modimo, le bogale go feta tšoša ya magalemabedi, ebole mohlathi wa dikgopololo le dikelollo tša pelo, monagano.” Le a bona? Kafao, O be a le Lentšu, ke Yena Lentšu le le phelago, gomme Lentšu le le phelago le tla go rena gomme gona Le dira ditlamorago tša go swana go rena. Le a bona, tša go swana, gobane Ke Lentšu la go swana. Le a bona, Ke selo sa go swana magareng ga rena. Gomme yeo ke tsela. Gomme dinako tše dingwe bao ba sego ka lešakeng leo ba bolela ka maleme, gomme yo mongwe o a le hlatholla. Ke eng? Lentšu le dirilwe nama gape magareng ga rena.

³¹ Gomme gona, re a lemoga morago gore morongwa yo o tla amogela . . . morongwa wa lebaka la kereke yoo a amogetšego “letlapa.” E be e le letlapa le *lešweu*, ga le re toko ya gagwe mong, eupša “toko ya Modimo Mong.”

³² Gomme ka letlapeng le go be go le “leina,” leina le go se go yo a le tsebago eupša yena yo a le amogetšego yenamong. O le tsebile, eupša ga go yo mongwe gape a kgonnego go le tseba eupša yena. Kafao ge o ekwa moisa yo a go gegea, a bolela tša bona; bona ke “Johane,” bona ke “Paulo,” bona ke “Maria,” bona ke “se,” “seo,” goba “se sengwe.” Le se e dumele, gobane ge nkabe e le, o be a ka se bolele selo ka yona. Le a bona? Yeo ke nnete. O swanetše a itshwarele go yenamong. O tsebile. Ga go yo a tsebilego eupša yenamong, eupša o tsebile gobane mofenyi yo mongwe le yo mongwe wa go phethagala o amogela leina le leswa ka tsela yeo—yeo—yeo.

³³ A le lemogile Abraham o be a bitšwa Abram, eupša ge Modimo a ile go mo diriša, O fetotše leina la gagwe go “Abraham.” S-a-r-r-a o be a le Sarra, eupša ge Modimo a eya go mo diriša, o fetotše leina la gagwe go S-a-r-r-a-h: *Sarah*, “mohumagatšana.” A le a tseba gore Jakobo . . . ? *Jakobo* o be a le “mofori.” *Esau* go ra “bohubedu,” wa boyo le bohubedu; hlogokhulwana, le bohubedu gohlegohle, ke Esau. Bjale, gomme *Jakobo* o be a le “mofori.” Gomme *mofori* ke “motlaetši.” A Esau ga se a le, “A leina la gagwe ga le bitšwe *Jakobo*, ‘mofori?’” Eupša ge a katane le Morena bošego bjohle, gomme a fenyia, gomme a šegofaditšwe, Modimo o fetotše leina la gagwe; Jakobo go *Israele*, “mokgoma le Modimo.” Paulo o be a le *Saulo* go fihlela a kopane le Moya wo Mokgethwa ka sebopego sa Seetša seo se phadimetšego tlase go yena, leina la gagwe le fetotše go tloga go Saulo go ya go “Paulo.” Simone, ge a kopane le Jesu, O fetotše leina la gagwe go “Petro.” Leo . . .

³⁴ Gomme ge Jesu a fenza, Leina la Gagwe le ile la fetolwa. Gomme o tla utolla Leina leo, “Yoo a tla bago le Yena, a fenza boka A dira, o amogetše leina le leswa; gomme Ke tla utolla Leina la Ka le leswa go yena.” Le a bona? Gomme mofenyi yo mongwe le yo mongwe, ke ra, magareng ga ba babjalo: bona baetaapele le go ya pele. Bjale, bana bohle ba Israele ga se ba hwetše maina a bona a fetotšwe, ka nnete. Yeo ke nnete. Eupša baetaapele bale ba godimo, ge ba fenza, ba ile ba amogela leina le leswa. Le bona ka fao e lepelelago ka gare? Feela ka phethagalo.

³⁵ Gomme bjale re hwetše gore gape o hweditše “mana a utilwego.” Bjale, mana a utilwego ke sekai go senkgwaponagatšo. Senkgwaponagatšo e be e le sa baprista ba nnoši. Yeo ke nnete. Senkgwaponagatšo e be e le feela sa moprista. Gomme ba... E be e le selo sa go ikgetha se diretše moprista, ke gore, baetaapele; gomme monna yo o fentše. Phuthego ka moka e hweditše mana, eupša o hweditše *a utilwego* (a go ikgetha) *mana*, goba “*kutollo ya go ikgetha*,” oo, ya se Jesu a lego, le go reng ka Yena, tšohle ka ga Yena. Le a bona, o hweditše *kutollo* yela ge a be a fentše, go morongwa. “Swarelela go tiiša, gobane yoo...” O be a fentše. Go lebišitšwe go *morongwa* wa kereke. Le a bona?

³⁶ Bjale re a hwetše gona, bošegong bjo, re a thomiša:

...go *morongwa* wa kereke ya *Thiathira ngwala*; *Dilo tše di bolelwa ke Morwa wa Modimo*, yo a nago...
mahlo boka... dikgabo tša mollo, gomme maoto a
gagwe... boka mphiri wo mokaone;

³⁷ Bjale, ge re Mmone ka go la mathomo, Lebaka la Efeso, goba ka mathomong a mathomo a Kutollo, re Mmone ka go bomotho bja Gagwe bja go menagana ga šupa. “Moriri...” Re hwetše gore Johane o Mo hweditše mošola ka go letšatši la Morena.

³⁸ Ge A etla bjale, ke Yena Moprista. Ge A be a le mo lefaseng, O be a le Moprefeta, Moprefeta wa Modimo. Bjale O tšere Madi a Gagwe Mong gomme o ile pele ga Tate, go Mo dirago Moprista. Ge A etla morago O tla ba Kgoši. Moprefeta, Moprista, le Kgoši. O be a le Moprefeta wa Modimo, O be a le Ntšhu. O be a le Moprista wa Modimo, O be a le Kwana. Ge A bowa morago, O tla ba Tau, Kgoši, (leloko la Juda) go rena.

³⁹ Eupša magareng ga mošomo wa Gagwe wa Boprista, ge sekgethwa se tlogetšwe, gona re Mo hwetše a eme fale. Gomme Johane o rile o be a le Moyeng mo “letšatšing la Morena”; e sego letšatši la bošupa, e sego Lamorena, ao ohle ke phošo. Re hwetše, re ipuruputše go kgabola Lengwalo, e be e le letšatši la Morena. Le ke letšatši la motho. Go tla ga Morena go tla ba letšatši la Gagwe.

⁴⁰ Gomme re mo hwetše ka letšatšing la Morena. Gomme, ge a bone Morena, O be a ne “moriri wo mošweu leswele.” Gomme re tseba gore seo se emela moahlodi.

⁴¹ Selo se sengwe, O be a se Moprista nako yeo, gobane Moprista o be a bofilwe go dikologa bogare, go ra *tirelo*. Eupša O be a bofile go dikologa sehuba, godimo *fa*, go rilego gore O be a le *Moahlodi*. Amene! Gomme re Mmone a sepela magareng ga dihlomakerese tše šupago tša gauta.

⁴² Gomme bjale re tšere morago go “Motala wa Mabaka,” a le bošweu go Setulo se Sešweu sa Kahlolo ge Daniele a Mmone, “Etlia go Motala wa Mabaka Yoo moriri wa gagwe o bego o le wo mošweu wa leswele.”

⁴³ Bjale, “šweu.” Baahlodi ba kgale ba Maisemane tlase go kgabola mengwaga, ba be fela, ge ba ile setulong sa kahlolo ba be ba rwala wiki ye tšhweu ye kgolo, wiki ye tšhweu leswela, gobane ba be ba le baahlodi. Gomme Johane O mmone letšatšing la Morena, ge A be a le Moahlodi. Amene!

⁴⁴ Bjale re hwetša gore “O be a ne mahlo boka dikgabo tša mollo.” Mahlo ale nako yeo boka dikgabo tša mollo... Ona mahlo ale a kile a fifatšwa ke meokgo ya setho. A be a kgona go ema le go llela motho a ehwa, le go tsebeng gore mo metsotsong ye e latelago ye mehlano o be a eya go phela gape; eupša feela kwelobohloko ya setho. Eupša ka morago ga ao go be go le maatla a bjalo ao A kgonnego go lebelela thwi go kgabola bophelo bja motho le go mmotša o be a le mang le tšohle ka ga yona. Gobane a be a etla bjale ka ponagatšo bjalo ka mollo. Mahlo a kgona go lebelela pele le morago go kgabola lefase, le go bona se sengwe le se sengwe seo se diregago. O tla ema kae mo Letšatšing ka Kahlolo? Dibe tša gago di tla be di ponoka pele ga Gagwe.

⁴⁵ Gomme le a lemoga O bile, “Go tšwa molomong wa Gagwe tšho—tšho tšoša ya magalemabedi,” ye re hwetšago e be e le Lentšu.

⁴⁶ Re bone maoto a Gagwe a be a ne “mphiri wo mokaone,” le go ya pele, go rilego “motheo wa Gagwe.” O gatakile bofoholelo bja bogale bja Ramaatlakamoka Modimo, gomme o gataketše fase le go tšea sebe godimo ga Gagwe, gomme a tšhitšilela ntle, gomme o kgahlile Modimo. Yeo ke nnete. Gomme motheo wa Gagwe ke motheo wa rena:

Go Kriste Leswika la go tia, ke a ema; (go
boletša Eddie Perronet.)
Mabala ohle a mangwe ke kwenamohlaba. (Yeo
ke nnete.)

⁴⁷ Bjale re hwetša fa, nako le nako ge A kopana le lebaka la kereke, O bolela le yena bjalo ka yo mongwe wa Maina a Gagwe a Bomodimo. Bjale re hwetša morago fale, sa pele ka go kutollo yohle ke Bomodimo (Bomodimo bjo Bophagamego) bja Jesu Kriste: “Ke nna Yo a bilego gona, a lego gona, gomme a tla tlago. Ke nna wa mathomo, le wa mafelelo, Ramaatlakamoka Modimo.” Le a bona, kutollo ya mathomo. Johane o retologile go

lebelela se se bego se bolela le yena. Selo sa mathomo, O boletše le yena . . .

⁴⁸ Kgoši e ka ba efe, ge a boledišwa, o—o—o bolela ke yena mang; mang kapa mang. “Ke nna *Semangmang* ge ke bolela le wena, ga o ntsebe. Ke nna William Branham, Ke nna *John Doe*,” e ka ba mang e lego.

⁴⁹ O rile, “Ke wa mathomo le mafelelo; Yo a bego a phela gomme a hwile; gomme ke a phela go ya neng le neng.” Oo, nna! Bomodimo. Fa re Mmona ka go bomotho bja gagwe bja go menagana ga šupa bja seemo sa Gagwe sa letago. Ka go lebaka la kereke le lengwe le le lengwe O—O ba batamela ka bjo bongwe bja go fapania bja bomodimo, se sengwe sa go fapania sa diemo tšela tša letago.

⁵⁰ Bjale, bošegong bjo, O tla ka kgabo ya mollo. O lebeletše tlase ka go Laodikia . . . goba tlase go Thiathira. Le ke lebaka moo kereke e nyetšwego ka go Bokatoliki le bohetene, goba Bonikolaite le bohetene di nyalane mmogo gomme di bopile le go tswalwa go kereke ya pele, kereke ya go kgatlofatšwa.

⁵¹ Gomme Modimo o boletše gore *ditiro* tša Banikolaite (tše di bego di le ka go Baefeso), godimo ka go ke—ke kereke ye nnyane ya Peregamo e bile “thuto,” gomme o rile e be e le “thuto ya Bileama.” Gomme Bileama o bile yena a rutilego Israele go ya godimo fale le go dira mabohlotlolo, gomme ba dirile mabohlotlolo le Moaba (e bego e le moleloko wa kereke yo bolelo), goba kereke ya tlwaelo, mokgatlo wo mogolo. Gomme re hwetša gore Modimo o boletše, gore thuto yela ya Banikolaite e bego e le . . . tše . . . beile maatla ohle godimo ga kereke le go e beela ka thoko, go e dira mokgatlo, O rile, “O e hloile, gomme le Nna ke e hloile.” O nno tšwelapele a re, “E hloile! E hloile! E hloile!” Gomme bjale e fihlile *bogolong* fa. Le bona ka fao kereke e pitlilego, thwi godimo *fa* go fihla feela selo se sennyane nthatana, gomme yeo ke kereke re lego go yona bjale.

⁵² Bjale, mo letšatšing le moo kutollo ye e tlidego, goba e bile go kereke ye, e bile letšatši leo Roma e bego e agile godimo ga matlapa a magolo a lefelo la bona, ka bjang le lehlaka. Eupša o bolela le kereke ye gore “O sa dutše a le dikgabo tša mollo tše di lebegago tlase go kgabola nako, gomme motheo wa gagwe ga se bjang, lehlaka, eupša ke wa go tia, mphiri wo o lekilwego leubeng la go fiša.” Motheo o tiile. Ke rata seo. Re tseba moo re emego.

⁵³ Go lokile:

Ke tseba mediro ya gago, le lerato ya gago, le tirelo ya gago, le tumelo, le kgotlelelo ya gago, le mediro ya gago; gomme ya mafelelo—ya mafelelo e phala ya pele.

⁵⁴ Go lokile, kereke e bonala go nyakile e ripilwe go felelela, ke feela khwelelo ye nnyane, gomme ba be ba tlogile go tloga go dikopano tše kgolo tša semoya, gomme ba le mohuta wa go ithekga go mediro. Modimo ga a nyake re ithekga go mediro.

⁵⁵ Leo ke le—le leswao la sephedi. “Re tsea Moh Jones godimo ga kota tsoko. Gomme re tla tseela *Semangmang*, bana ba bona, diaparo tsoko.” Gomme seo se lokile. Eupša, le se ithekge go seo, le se dire seo. Ngwanešu, yeo—yeo—yeo ke mediro ya go loka; wa go loka, modudi yo mobotse o tla dira seo. Eupša se go se tšeago go ba Mokriste ke boitemogelo bja go tswalwa gape, kolobetšo ya Moya wo Mokgethwa. Go lokile.

⁵⁶ Go hunyela, ba be ba itshepile mešomo sebakeng sa lerato le tumelo, e hwetša bontši le bontši nako yohle ge e eya pele.

⁵⁷ Go lokile:

Ke tseba mediro ya gago, . . . le lerato, ke tseba tumelo ya gago, ke tseba kgotlelelo ya gago, le go ya pele . . .

⁵⁸ Eupša bjale re ya go tsea temana ya 20, theetšang ye:

Go le bjalo ke na le dilo di se kae kgahlanong le wena, gobane o tlogela mosadi yola Isebele, yo a ipitsago moprofetagadi yenamong, go ruta le . . . go foraforetša bahlanka ba ka le go dira bootswa, le go ja dilo tše di hlabetšwego medingwana.

⁵⁹ Bjale, “mosadi.” Re hweditše *mosadi* o emetše eng bošegong bja go feta? “Kereke.” Bjale, bjale re hwetša fa gore ba be ba bitšwa “Banikolaite,” “thuto ya Bileama,” gomme bjale e bile go “Isebele.”

⁶⁰ Bjale, “Isebele.” Ge le ka hlokomela, ye ke histori ye kgolo. Bjale, ge le nyaka go e ngwala, thomang go Dikgoši tša Pele, e ka ba . . . Dikgoši tša Pele, e ka ba 16. Isebele e be e se morwedi wa Abraham; ebole le sehlopha se fa se be se se, Roma ya bohetene. Banikolaite ba be ba tonya, sehlopha sa Bakriste se sefomale bao ba ikarogantšego bonabeng go tloga go Bakriste ba kgontha, “go itaetša ba se ne Tumelo.” Gomme ba nyakile go dira kerek boka lotše, go swana boka ba ne lehono; boka lotše, ga go Moya ka go yona le gannyane; “Matšatši a mehlolo a fetile. Tšohle e be e le tša lebaka le lengwe. Re ne bongwanešu.” Mason yo mokaone, Odd Fellow, goba e ka ba eng boka yeo e tšweletša seo. Gomme seo se lokile, eupša seo se ka se tsoge sa tsea lefelo la tswalo ye mpsha ka go Jesu Kriste, phološo go soulo, Therešo ye.

⁶¹ Go lokile, yo Isebele. Bjale o be a le morwedi wa Abraham, yeo therešo, mohumagatšana wa borapedi bja medingwana. Mo nakong yeo ge lapa la bogoši, lapa la gabolabogoši, le tsebalega ka sehlogo se sešoro sa go botegela Bobaali. Tatagwe o be a le moprista wa modingwana wa A-s-t-a-r-t-e (ga ke tsebe le e bitša bjang, ke no e topa go histori). Ahaba o šomišitše leano la gagwe boka Constantine. Setšhaba se se segolo sa maatla se dutše kgauswi le Israele, kafao kagona . . .

⁶² Constantine o dirile eng bošegong bja go feta? O be a se a sokologa. O be a le radipolitiki. O be a leka go dira eng? O tšere Bakriste, ge ba mmoditše ba tla rapela . . . (Gomme bjale

fale, elelwang, o bo- . . . re bolela bjale ka Monikolaite). Gomme o rile ge ba ka rapela, gomme o tla thopa ntwa, gona o tla—o tla ba Mokriste. O bile le toro. O pentile ditšhoša tša gagwe bošweu, bošegong bjoo, bja sefapano. Moo Knights of Columbus bo tswetšwego, thwi mo nakong yeo; bjale ke moo ba tšeago kemo ya bona. Eupša ga se nke a tsoge a dira e ka ba eng boka Mokriste! Go ye nngwe ya dikereke tša Bonikolaite, e bitšwago St. Sophia, o beile sefapano. Bjalo ka ge ke boletše bošegong bja go feta, seo ke selo se nnoši a kilego a se dira se kwagalago e ka ba eng boka o be a le wa kereke, bokgole bjoo ke kgonago go tsoge ka budutša go tšwa go matlakala e ka ba afe a dihistori; le baithuti ba bangwe ba bantši ba bolela selo sa go swana. Ga re tsebe selo ka ga tshokologo ya gagwe. Eupša o ile ka go eng? Selo se a nyakilego go se dira, o bone bontši bja Roma, bjale.

⁶³ Bjale lebelelang se, šetšang leano le. Gomme šetšang ka fao Beibebe e le tiišetšago, Modimo, makgolo le makgolo a mengwaga pele e direga. Gomme Constantine o dirišitše leano la go swana, Modimo o boletše fa, leo Ahaba a le dirišitšego.

⁶⁴ Bjale, Constantine o bone karolo ye kgolo ya batho ba gagwe e be e le Banikolaite bale, Bakriste. Ba bangwe ba bona ba be ba bitšwa “bahlanogi,” bao ke Mapentecostal; ba be ba le “bahlanogi le bapshikologibakgethwa,” le eng gape. Fao ke moo maswao le matete a kgonthe a letšego. Eupsa kereke ya tlhago nako yeo e be e etla godimo go mokgatlo. O dirile eng? Constantine o bapetše karolo ya bokgwari. O ya godimo fale gomme o hwetša bagwera ba gagwe ba bahetene, le go hwetša bagwera ba gagwe ba Bakriste, gomme a kopanya dikereke mmogo, a hloma mo—mo . . . o tlišitše bohetene ka go Bokriste. Bokriste le bohetene bo nyalane ka kerekeng ya Peregamo.

⁶⁵ Bjale, O boletše eng godimo fa go ye bošegong bjo? Selo sa go swana seo Ahaba a se dirilego. Ahaba, go tiiša mmušo wa gagwe, o nyetše Isebele, morapedi yo wa medingwana yo; go tiiša mmušo wa gagwe, go hwetša maatla a mantši ka go Israele.

⁶⁶ Gomme seo ke se kereke e lekago go se dira. Le a bona moo ba lekago go dira Beibebe, go ba le yona ntle ngwageng wa go latela wa '62? Yeo ke Beibebe yeo e tla thabišago Bajuda, e tla thabiša Makatoliki, le go thabiša Maprotestant. Oo, ngwanešu! Ke na le setšweletšwa sa kuranta. Ga se ka se swara le nna bošegong bjo, le nkwele ke se bala bošego bjo bongwe gee. Ke lena bao, le a bona.

⁶⁷ Oo, tšona dilo go leka go oketša! Ba tše dilo tše kgethwa tša Modimo gomme ba di šwalalanya, go oketša le go dira boati bja maleloko. Seo ke se kereke e se dirilego. E amogetše batho ka go yona motheong wa go šikinya diatla, gomme e hweditše mathogošwahla le se sengwe le se sengwe gape, batho ba go se sokollege. Eupša ka go Mmele wa therešo wa Kriste, wo e sego mokgatlo, eupša Mmele wa Kriste wa sephiri—wa sephiri, o ka

kgona go tla ka fale ka tlase ga tsela e tee, gomme yeo ke ka kolobetšo ya Moya wo Mokgethwa. Thwi! Gomme maswao a go swana ao a rathilego bona baapostola, a ratha Kereke. Yeo ke nnete tlwa!

⁶⁸ Bjale, ga se ra swanela go itšimeletša le go re, “Gabotse, re tla tšoenana le Assemblies. Re tla tšoenana le Oneness. Re tla tšoenana le *ye*, goba Baptist, goba Methodist.” A re tšoenaneng le Kriste! Ebang kgole le dilo tše. Gobane ye nngwe le ye nngwe ya mekgatlo yela e lokile, eupša ba—ba hwetša dithuto tša bona le dilo, gomme o swanetše go ya go bona ge eba mookamedipharephare o tla go dumelela ka nageng yeo le go ba le kopano. Ge o sa rute feela tlwa boka ba dira, o go rakela ntle, o ka se dule le Beibele. Modimo a ka se kgone go e dira, O e hloile. Mokriste e ka ba ofe yo mongwe a tswetšwego gape o tla dira le yena. Bontši bja batho ntle fale ka phethagalo...ba nyakago dira, ba nyaka go direla, gomme ba nyaka go kopanela. Eupša o ka se kgone go e dira, ba tla go ragela ka ntle. Gabotse, ba lese ba go ragele ka ntle, eya pele, hwetša Moya wo Mokgethwa go le bjalo. Yeo ke mnete tlwa. Eupša, le a bona, ba—ba nyaka go hwetša thutotaelo yela—yela. Ba nyaka go go hwetša moo o nago le tšhelete ye ntši. Baptist e bile le selokene ka ’44, “milione bontši ka ’44.” Ba hweditše eng?

⁶⁹ Feela boka moebangedi yo mogologolo Billy Graham a boletše, ge a be a le ka Louisville, “Ke tla ya ka toropongkgolo...” O rile, “Mokgethwa Paulo o tla ya ka toropongkgolo, o tla dira mosokologi o tee; a boele morago ngwaga wa go latela o—o hwetša ba masometharo go tšwa go yola; ditlogolokhukhu-khukhu-khukhu-khukhu-khukhu-khukhu, go tšwa go tshokologo yela e tee.” O rile, “Ke tla ya ka go toropokgolo, ka bitša dikete tše masometharo, ke tla ya morago ngwaga wa go latela gomme ga ke kgone go hwetša masometharo.” Gomme se a se boletšego, o—o dirile setatamente se sebotse, eupša go le bjalo ga ke dumele gore ngwanešu yo bohlokwa o be a rereša. O rile, “Lena bareri ba dibodu.” O rile, “Ke tla le fa maina a bona le atrese, le dula ka maoto a lena godimo ga teske gomme la ba ngwalela lengwalo bakeng sa go ya, go bolela le bona.”

⁷⁰ Ke—ke mohuta wa go mo dumeleng seo. Ke rata monna go ba se a lego, e sego moikaketši; ema ntle thwi gomme o be se o lego sona. Gomme ke rata seo. Eupša ke tla rata go re, “Billy, ke mang a bego a le godimo fale go tšeа mosokologi yola Paulo a bilego le yena? Se e bilego, Billy, ge o ka no tlogela go ba lesa ba eya morago fale le go šikinya diatla, gomme ba phafoga, ba re, ‘Ee, ke amogela Jesu bjalo ka Mophološi wa ka wa sebele,’ gomme wa mo lesa a dula fale go fihla a ehwa le go bola, gomme a tswalwa gape ke Moya wo Mokgethwa, o tla dira basokologi ba baswa.”

⁷¹ Ngwanešu, wena o...o khukhuša ka mollo, o ka se kgone go mo tima. O bjalo ka ngwako ka mollo mo phefong ya godimo, o no se kgone go e dira. Oo, o phatlalala mogohle, ngwanešu, mosokologi wa kgonthe wa Kriste, ga a kgone go dula tuu. O no...o mo mosepelong. Oo, ke thakgetše bjang! Oo, nna! Kolobetšo ya Moya wo Mokgethwa ya fešene ya kgale e dira soulo ya gago e tuke mollo! Ga o kgone go dula tuu, phefo ye maatla ye e fokago e tla no tšwelapele e go tšubuka. Gobaneng ke no tšwelapele ke o fepa ka dikgong, le go tšwelapele go ya. Ee, mohlomphegi! Ga a gona a bego a swanetše go tsea mosokologi wa Paulo, Paulo o ba tšeetše botebong go lekanelka go Kriste go fihla a hwile go yenamong, gomme a phela ka go Kriste, gomme o dirile ka moka ga tšona. Yeo ke nnete! Seo ke se se lego.

⁷² Baena ba Baptist ba lokile. Eupša milione bontši, se se dira eng? O ne milione bontši bja maina. Gabotse, nno dula fase gomme o dire ba bangwe ge o nyaka go ba bea fale. Seo se lokile, eupša, ngwanešu, se re se nyakago ke maina ka Pukung ya Bophelo ya Kwana, e bolailwego go tloga motheong wa lefase, a hlatswitšwe ka Madi, a tladitšwe ka Moya wo Mokgethwa, maswao le matete a go latela.

⁷³ Puruputša dihistori. Ke duma bohole le ka hwetša Nicene Council gomme le bale dilo tše, go bona ka fao bahwelatumelo bale ba swareletšego kgabo yela ya pentecost. Ke tla go botša bjale, ngwanešu, wena Mobaptist, Momethodist, le e ka ba eng o lego, Seetša sa therešo sa mmapale...ga se mokgatlo wa Pentecostal, bjale; eupša sa therešo, Seetša sa mmapale ke Boitemogelo bja Pentecostal. Tlase...ke bile matšatši le matšatši bjale, dihistori tšela, ke di epile ka go tšohle nka kgonago mogohle, gomme ke kgabo yela ya pentecost yeo e dutšego e phela go tloga Pentecost go theoga go nako ye. Ee, mohlomphegi! E kgoromeleeditšwe ntle.

⁷⁴ Ba bangwe ba bona ba re, "Gabotse, kereke ye kgolo ya Katoliki e kgotleletše maphoto. Gobaneng, go netefatša gore ke yona Kereke ya kgonthe." Gobaneng, ga se selo sa go tlabo go nna, ka mmušo le se sengwe le se sengwe ka morago ga gagwe, o kgonne go ba gona. Eupša se e lego—se e lego selo sa go tlabo, ke sehlopha selo se sennyane seo se gogetšego thoko, bonnyane bjola bjo bonnyane, go ragetšwego ntle, go lahletšwego kgolegong, bja segwa ka diripana. Ba kgonne bjang go tsoge ba ba gona? Gobane Moya wa Modimo yo a phelago o sepela ka go beng ga bona. Gomme matimone ohle a hele ga a kgone go fenya kgahlanong le Sona! "Godimo ga leswika le Ke tla aga Kereke ya Ka, gomme dikgoro tša hele di ka se kgone go fenya kgahlanong le Yona." Seseo selo sa therešo. Ke seo se fago Moya wo Mokgethwa go bareri ba ba Methodist, le go ya pele, fa. Le a bona, go ba dira ba tsogele godimo, go dira se sengwe go wena. Se ka se tsoge sa palelwa.

⁷⁵ Ahaba, moikaketši yola. Le a bona, o ya godimo, o re, “Bjale, ge nka no kgobokanya bjale, gomme ka hwetša setšhaba se segolo se. Gomme ge nka nyala morwedi wa mošemane yola wa kgale tlase fale, gabotse, seo . . . re—re tla ba bagwera.” O be a dira eng? A rekiša yona tokelo ya gagwe ya tswalo.

⁷⁶ Bjale, ge kereke ye ya Protestant e eya morago le go kopana le kereke ya Katoliki, e tla dira selo sa go swana e se dirilego morago kua. Ahaba o phetše mo letšatšing leo . . .

⁷⁷ Go bile makga a mararo. O be a le ka go boitemogelo bja bošegogare bja leeto la Israele, gomme *fa* e tla go bošegogare gape, gomme re tla go bošegogare gape *fa*. Ditlogolwana tše tharo pele ga se; se ile ka gare *fa*, ka gare *fa*, le ka gare *fa*.

⁷⁸ Bjale, ge le hlokomela, Ahaba o nyetše Isebele go tiiša batho ba gagwe. Seo ke tlwa se Constantine a se dirilego. O hlomile kereke ye kgolokgolo, gomme o tšere aletara gomme o dirile mabole, a apeša monna yo, mopapa, a mmea godimo fale. O be a le modimo yo a phelago, o kgonne go bolela le bona, le—le go mmotša ka ga dibe tša bona, gomme seo se no kgahla kereke yela ye bolelo ya kgale, gomme šebale ba gabaletše. Kgonthe! Yeo ke yona! Gabotse, eupša seo ga se se kgahle monna yola yo a tswetšwego gape, ge ba tšea seo gomme morago ba tliša meketeko ya bohetene ya go bolela dithapelo. Ba dirile eng? Ba theošitše Jupitere, gomme ba beile Petro. Ba theošitše Venus, gomme ba beile Maria. Gomme e tlišitše—e tlišitše bohetene ka go lehlakore la Bokriste.

⁷⁹ Gomme ge Ahaba a nyetše Isebele, o dirile sona selo sa go swana gape. O tlišitše go rapela medingwana ka go Israele. Gomme Isebele o dirile eng? O bolaile moprofeta yo mongwe le yo mongwe a kgonnego go mo swara. A yeo ke nnete? Bomopapa ba dirile bjalo. Mokriste yo mongwe le yo mongwe wa therešo ba mo swerego, ba ba bolaile.

⁸⁰ Eupša go bile le naledi ya lebaka, mokgalabje Eliya! Oo, ee, mohlomphegi! O be a sa fšege, go ba botša ka yona. Ee, mohlomphegi! O be a le naledi ya Modimo ya lebaka *leo*. Go fihlile tlase nako ye nngwe a rilego, “Morena, ke nna ke nnoši ke šetšego.”

⁸¹ Modimo o rile, “Bjale, leta motsotso, leta motsotso, leta motsotso, Eliya.” Uh-huh. “Ke šetše ke hweditše makgolo a šupago ba fihlilwe tikologong, mošola. O a bona? Ga o tsebe moo ba lego. Ba ntle fale, Bafarasei, Basadusei, Mabaptist, Mamethodist, le Mapresbyterian, eupša Ke tla—Ke tla ba ntšha fale, wena no leta. O a bona? Ke ne bona ntle fale. Go ne . . . bona ke—bona ke—bona ke ba Ka, gomme ga ba khuname letolo go Baali go le bjalo.” Eupša mokgalabje Eliya o be a le Segalontšu sa Modimo mo letšatšing leo. Yena kgonthe o be a le sona sekai sa Segalontšu sa Modimo mo go tleng la mathomo ga Kriste, gomme

go tla ba sekai sa Segalontšu mo go tleng la bobedi ga Kriste gape, go ya ka Mangwalo.

⁸² Bjale, re hwetša Isebele yo monnyane yo, ge a fihla godimo fale, ka kgonthe o be a eya go ripela fase dialetara tšohle tša Modimo le go bea dialetara tša gagwe mong. Gomme o bile le Israele e khunama pele ga modingwana. Seo ke tlwa se Constantine a se dirilego ge a bopile kereke ya Katoliki. O tlišitše bohetene godimo ka go ke—ke kereke ya Bokriste, gomme o bile le Bakriste ba khunamela medingwana. Leo ke tlwa lebaka la leswiswi gape; lebaka la leswiswi go Israele, lebaka la leswiswi la—la kereke; go khunamela medingwana. Gomme Eliya o be a le naledi mo letšatšing la gagwe.

⁸³ Gomme o dirile Israele yohle go rapela Baali, gomme kereke ya Katoliki e dirile bjalo kua Thiathira.

⁸⁴ Bjale, ke nyaka le hlokomele selo se sengwe se ratha fa, ke be ke hwetša histori ya ka fa. Jesu o boletše gore o be... o ipiditše yenamong moprofetagadi. “mosadi yola Isebele, yo a ipitšago yenamong (o ipitša yenamong) moprofetagadi.” Bjale, le a bona, kereke ya Katoliki ga e dumelele batho ba yona go bala Beibele gobane ba bolela gore moprista ke yena a nnoši a kgonago ka Bomodimo go hlaloša Lentšu lela.

⁸⁵ Gabotse, yeo ke tlhathollo ya therešo ya moprofeta. Moprofeta o ne tlhathollo ya Bomodimo ya Lentšu la Modimo. Yeo ke nnete tlwa. Motho o kgonna bjang go bitša yo mongwe, yo mongwe, “moprofeta” gomme morago a re, “ba ne kutollo e fošagetšego”? Go no ba kwagalo bontši bjalo ka bomorwa bja Gosafelego gape, le a bona. Le a bona? Le a bona, ke—ke... *Moprofeta* go ra “mohlatholli wa go nepagala, yena yoo Lentšu la Morena le tlilego go yena, kutollo e tlile go yena.” Lentšu *moprofeta* le ra “mohlatholli wa Lentšu la Bomodimo.” Jesu o rile, “Ge go na le yo mongwe yo a lego wa semoya goba moprofeta, Nna Morena ke tla bolela le yena. Gomme ge se a se bolelago se phethega, gona mo kweng, Ke ne yena. Ge se sa phethagale, gona le se mo kwe.” Ke moka. E bile—e bile Lentšu la Modimo la Bomodimo, gomme Lentšu la Morena le tlile go baprofeta.

⁸⁶ Bjale, ba boletše gore *kereke* ye gona e be e le “moprofeta.” Bjale elelwang, e fetogile go tloga ga Bonikolaite bjo bjale, e fetoletšwe go “yena.” Le a e bona? “Isebele.” Bjale, bošegong bja go feta e be e le “thuto ya Bileama.” Le a bona, “thuto ya Banikolaite” le “thuto ya Bileama.”

⁸⁷ Bjale, Biliama ke yena yo a dirilego bootswa le Israele. Gomme ba—ba—ba Banikolaite ba dirile eng? Ba dirile mokgatlo. Kafao di bee bobedi mmogo gomme o hwetša *yena*, “kereke.” Kgonthe! Kutollo 17, “Seotswa se segolo seo se dutšego godimo ga meetsea mantši.” Mosadi, mmalegogwana. Yena ke eng, goba o ba mmalegogwana bjang? O dira mabohlotlolo, mabohlotlolo

a semoya, go hlatholla bošaedi Lentšu go batho. Tlogang go bohlanya bjoo! Bjoo ke bohlanya ka kgonthe. Yeo ke nnete.

⁸⁸ Bjale, le a bona, o ipitša moprofetagadi yenamong, “Ke rena bona! Ke rena khansele! Ke rena khansele ya Laodikia gape, khansele ya banna, gomme re tšere sephetho *se*, *le se*, *le ka gona*. Kafao le theetša rena!” Eupša . . .

⁸⁹ Moprista yola—yola yo monnyane godimo fa go mpotšilloša ka ga Elizabeth Frazier, goba mosetsana yola wa ga Frazier. O rile, “Mo—mo mokhadinale o nyaka go tseba ge o ka . . . goba pišopo, ge eba o kolobeditše mosetsana yo wa ga Frazier.” O rile, “O ba Mokatoliki.”

Ke rile, “Ya, ke kwešiša seo.”

O rile, “A—a o mo kolobeditše?”

Ke rile, “Ee, mohlomphegi.”

O rile, “O mo kolobeditše bjang?”

Ke rile, “Ka kolobetšo ya Bokriste.” Uh-huh.

O rile, “Gabotse, o ra eng ka seo?”

Ke rile, “Kolobetšo ya Bokriste, ka tsela ye Beibele e bolelago. Go ne tsela e nnoši go kolobetša ka kolobetšo ya Bokriste. Motho yo mongwe le yo mongwe ka Beibeleng o karabeditšwe ka tlase ga meetse mo Leineng la ‘Jesu Kriste.’”

⁹⁰ O ngwadile fase, a thoma go ngwala fase ka mokgwa woo. O rile, “O a tseba, kereke ya Katoliki e be e fela e dira seo.”

Ke rile, “Neng?” Ke rile, “Ke ne dihistori tšohle tša bogologolo fa tšeо nka tsogego ka di hwetša, go tloga London le mogohle gape.” Kafao ke kgonne go ithuta ge iri ye e tla batamela ka pela, ge se sengwe se eya go direga. Mmm. Ke rile, “Ke—ke nyaka go tseba kae.” Ke tla ya . . .

O rile, “Oo,” o rile, “ka Beibeleng.”

Ke rile, “O bolela gore . . . ?”

O rile, “Jesu o beakantše kereke ya Katoliki.”

Ke rile, “A Petro o bile mopapa wa mathomo, gona?”

O rile, “Ka kgonthe kudu.”

Ke rile, “Ke be ke nagana ‘kereke e be e sa šitwe gomme ga se e fetoge, gomme dimesa tšohle di bolela ka Selatini gore e se fetoge.’”

O rile, “Yeo ke therešo.”

⁹¹ Ke rile, “Gabotse, kgonthe o dirile phetogo ye nngwe ge e sa le nako yela.” Ke rile, “Ge Beibele yeo e le puku ya Katoliki, gona ke nna Mokatoliki wa fešene ya kgale.” Le a bona? Yeo ke nnete. Ke rile, “Ke nna Mokatoliki wa fešene ya kgale, gona.” Gomme ke rile, “Ka kgonthe e bile . . . ”

O rile, “Gabotse, bjale, o a bona, Beibele e no ba histori ya kereke ya Roma.” O rile, “Modimo o ka kerekeng ya Gagwe.”

Ke rile, “Modimo o ka go Lentšu la Gagwe.” Yeo ke nnete.

⁹² “Anke Lentšu la Ka le be go rereša, gomme lentšu la motho yo mongwe le yo mongwe e be maaka.” Gomme fa ka go Puku ya Kutollo ke Puku e nnoši (Anke ke e bušeletše.) gore Jesu O beile tumelelo ya Gagwe go yona. Gomme selo sa mathomo A se dirilego e bile go utolla Bomodimo bja Gagwe, gomme O e dira ka go felelela. Gomme o rile, “Mang kapa mang a ka tlošago e ka ba eng go Yona goba go oketša e ka ba eng go Yona, wa go swana o tla tlošwa (karoio ya gagwe) go Puku ya Bophelo. Wa lehlogenolo ke yoo a balago, goba yoo a kwago. Gomme morogakwa ke yoo a tla oketšago selo se tee go Yona goba go tloša e ka ba eng go tloga go Yona.” Ke lena bao, kafao le bona karolo ye kotsi. Kafao le se tsoge la oketša selo go Yeo; nno E tlogelang ka tsela ye E lego, gomme le no tšwelapele go sepela.

⁹³ Moya o tla E utolla go lena ge le ka no kokobela, la Mo kgopela. Le a bona? Yeo ke nnete. Bjale, kafao Yona ga se mararankodi. Modimo . . . Jesu o lebogile Tate bakeng sa . . . a re, “Ke a Go leboga, Tate, gore Wena o fihilile dilo tše go mahlo a borabi, le dipišopo, le dikhadinale, le baokamedipharephare, gomme—gomme wa E utolla go bana bao ba tla ithutago.” Le a bona?

⁹⁴ Seo ke se le se nyakago. Ke kutollo ya Modimo yeo e kgonago go tla feela bjalo ka ge A boletše fale, “A batho ba re Ke nna mang?”

O rile, “Wena o Kriste, Morwa wa Modimo yo a Phelago.”

⁹⁵ O rile, “Simone, ga se nke wa ithuta seo ka seminareng. O a bona? Ga a gona a kilego a go botša seo. Seo se tlide, e bile kutollo go tšwa Legodimong. Gomme godimo ga leswika le Ke tla aga Kereke ya Ka, gomme dikgoro tša hele di ka se fenyé kgahlanong le Yona.”

⁹⁶ Yeo ke tlwa kutollo yeo Abele a bilego le yona mo mathomong. Ke kutollo; e bile nako yela, e sa le kutollo, gomme ka mehla e tla ba kutollo. Yeo ke nnete.

⁹⁷ Bjale, re hwetša fa gore o be a le mosadi bjale, gomme *mosadi* o emela “kereke.” (A yeo ke nnete? Kriste o tlela eng? Monyalwa, mosadi, kgarebekga.) Gomme mosadi wa mokgekolofa, o teleimile yenamong go ba Kereke ya Modimo; eupša, se a bego a le sona, o be a tšhepišitšwe ka mahumo le pheta, le se sengwe le se sengwe, gomme a swere komiki ya ditšhila tša mabohlotlolo a gagwe, ao a dirilego dikgoši tšohle tša lefase go nwa godimo ga beine ya yona. A yeo ke nnete?

⁹⁸ Bjale, re mo hwetša fa gore o be a bitšwa “Isebele.” Gomme Isebele, bobo bjo Isebele a bo dirilego, ka pela ge a se no ba le boitshwarelelo magareng ga bona Baisraele, o ba bolaile gomme

o dirile se sengwe le se sengwe a kgonnego, gomme—gomme o agile dialetara tša gagwe mong. A yeo ke nnete? Seo ke tlwa se kereke ya Katoliki e se dirilego. Seo ke tlwa. Eupša bjale a re no balang pejana gannyane. Se se ya go le makatša. Dinako tše dingwe le a makatšega, le tla ja bontši gannyane.

... o ipitša *moprofetagadi yenamong*, (Bjale, ge a re “Ke nna mohlatholli wa Lentšu ke le noši.”) le go ruta le go *foraforetša bahlanka ba Ka go dira mabohlotlolo, ... go ja dilo tše di hlabetšwego medingwana*.

⁹⁹ Ngwanešu yola a botšištšego ka ga “sephente,” ka ga “go ja kenywa ka serapeng sa Edene.” O bona se e lego (A ga o?) ge A rile, “ja,” fa. Se e bilego, e be e le semoya, o a bona. Gomme ke . . . gomme . . .

Gomme ke mo file sebaka go sokologa go bohlotlolo — bohlotlolo bja gagwe; gomme ga a sokologe.

Bona. Ke tla mo lahlela ka malaong, . . . (Mohuta ofe wa malao? A bolefase. Seo ke tlwa se a lego lehono.) . . . le ba ba dirago bootswa le yena ka go tlhokofatšong ye kgolo, ntle le ge ba ka sokologa go mediro ya bona. (Yeo ke go ya ka go Tlaišego ye Kgolo.)

Gomme . . . ke tla bolaya bana ba gagwe ka lehu; . . .

¹⁰⁰ Ehu! Eng ba gagwe? mosetsana yo wa kgale o bile le bana tsoko. Bjale Kutollo 17. Ke ba bakae ba lena . . . ? Bohle ba lena le be le le fa bošegong bja go feta, ke a eleletša. Go loile. Kutollo 17, mmalegogwana yo wa kgale, kereke ya Katoliki, e be e bitšwa “seotswa,” gomme o be a le “mmago bommalegogwana.” Go be go ka se be bašemane, ba be ba le *dikerekē*.

¹⁰¹ Bjale kereke ya Lutheran ke kae e bego, ke kae tšohle tše di tšwago gona? Mokgatlo wo mongwe le wo mongwe o tšwa kae? Mathomong a yona ke kae, Laodikia? Banikolaite mafelelong ba bopegetše ka go wola; seo ke tlwa selo sa go swana gape. O ka se e thuše, ngwanešu. Oo, Eliya o goeleditše kgahlanong le selo letšatšing la gagwe. Johane o goeleditše kgahlanong le ona letšatšing la gagwe. Ee, mohlomphegi! Le se nagane le re ka go lenabeng, “Re ne Abraham go tatagorena: gobane Ke re Modimo o kgona ka matlapa a go tsošetša Abraham bana.” Le a bona? E no se kgone go thušega.

¹⁰² Bjale, o bile le bana. A Isebele wa kgonthe o bile le bana? Ee, mohlomphegi! Theetšang:

. . . Ke tla bolaya bana ba gagwe . . .

¹⁰³ Eng? Kereke ya Katoliki, bana ba gagwe ke kereke ya leina ya Protestant. Le a bona, ke tlwa, gobane ba dira selo sa go swana. Ba kolobeditše thwi ka go yena ka kolobetšo ya bona ya go se tlwaelege, kolobetšo ya go se ye ka lengwalo; go šišinya ga seatla bakeng sa Moya wo Mokgethwa; “Tate, Morwa, le Moya wo Mokgethwa” sebakeng sa “Jesu Kriste.” Gomme ba no dira

se sengwe le se sengwe thulanong le Beibele. Le bjale! Gomme ba sepelela thwi ka go yona.

¹⁰⁴ Morwedi wa gagwe o be a bitšwa Athalia, A-t-h-a-l-i-a. O bile le wa gagwe... Yena, Isebele, o bile le Athalia a nyalwa ke Jorama, morwa wa kgoši ya Juda, gomme ka pela dialetara tša Baali di be di eme ka Jerusalema. Bjale, ga se la swanelo go ya go histori go seo, seo ke Beibele. Le a bona? Morwedi wa gagwe, Athalia, o nyetšwe ke morwa wa Josefate, e bego e le Jorama. Gomme barwedi ba gagwe ba dirile selo sa go swana a se dirilego.

¹⁰⁵ Oo, nna! A ga le kgone go bona seo? Le bona ka fao yona mekgatlo e dirilego, baena? Ba tla thwi morago ka Luther le bona, feela tlwa, gomme ba ikgobokanya bonabeng mmogo sebakeng sa go dumelela Moya wo Mokgethwa. Le Pentecost e dirile selo sa go swana tlwa. Ga se ba no kgona go dumelela Moya wo Mokgethwa go ya pele le go ba le tsela ya Ona, le go ya pele; le seetša se sengwe le se sengwe se tlago, se lekole ka Lentšu, gomme o ye pele. Ga se ba kgone go dumelela Moya wo Mokgethwa go etapele, ba ile ba swanelo go dira mokgatlo gomme ba ripegaa go tloga go se sengwe le se sengwe gape seo se tla tlago. Ba ile thwi ka go otlologa morago gomme ba nyetšwe ka go selo gape! Feelaa tlwa. Ge re etla go lebaka lela, le no šetša se se le letetšego go theoga tsela fa. Le a bona? Ba nyetšwe thwi ka go otlologa morago ka gare! Jesu o rile fa, "Ba gagwe... Yo Isebele, o ipitša 'moprefetagadi' yenamong, gomme Ke tla mo lahlela malaong a bolefase, gomme ka bolaya bana ba gagwe gape" (Bjale, ke mohuta ofe...?) "ka lehu."

¹⁰⁶ Ke eng...ke mohuta ofe wa lehu o lego go bana ba gagwe go ka bolawa ka ona? Le a bona ba hwile bjale! Go hwa semoyeng! Ga ba ne kutollo! Ba tseba mokgatlo wa bona, ba tseba katekisima ya bona, ba tseba thuto ya bona ya kereke; eupša ge go etla go tsebeng Modimo, ba bangwe ba bona ga ba tsebe bontši ka ga Yona go feta Mokgothu a ka tseba ka ga bošego bja Egepeta; yeo ke nnete, ge go etla ka kgonthe go tsebeng Moya wo Mokgethwa. Go makala; go O bitša... go nyaka go bitša Moya wa Modimo "senoge," goba "diabolo," wa...ka go hlatha meboya, le dilo boka tše, le go lelekela bobe ka ntla. "Gobaneng, ga se wa mokgatlo wa rena. Sehlopha seo, oo, prrrr." Le a bona, ba no se tsebe. Gomme ba E kgorametsa ka le—le leina la "Jesus Only," goba mohuta tsoko wa "mopshikologimokgethwa," goba—goba mohuta tsoko wa selo boka seo. Ba no se tsebe!

¹⁰⁷ Gomme iri e batametše kgaušwi ge selo seo se eya go senolwa. Yeo ke tlwa. Modimo o tla e dira ka kgonthe bjalo ka ge ke eme ka morago ga phuluphithi ye, gobane O tla ngangela bana ba Gagwe ntla ka kgonthe bjalo ka ge ke eme thwi fa. Modimo ka Legodimong o tseba seo. Le ntumela go ba moprefeta wa Morena, mohlanka wa Morena, ntheetšeng. O batametše kgaušwi. Ee, mohlomphegi.

¹⁰⁸ “Bana ba gagwe ba tla bolawa ka lehu la semoya.” Ba lebeleleng: go tonya le fomale. Lebelelang go...lebelelang ya rena...Ga ra swanela go bolela ka ga Mabaptist le Mapresbyterian, re a tseba ba be ba hwile lebaka la mengwaga. Se...

¹⁰⁹ Ge Luther a bile le tsošeletšo ya gagwe, tokafatšo, ge nkabe a ile a... Ge nkabe a tšwetšepele, mosepelo wo mogolo wo—wo wa Pentecostal bjale o ka be o le kereke ya Lutheran. Seetša se ka be se tlide ka tlhwekišo, ge Wesley nkabe a latetše. Yena...Luther ga se a kgone go latela woo. Aowa, mohlomphegi, ba šetše ba le Malutheran.

¹¹⁰ Kafao morago Wesley o tlide. Ka morago ga ge Wesley a hwile, gona go diregile eng? Ba kgatlofaditše seo, gomme ba dirile Methodist wa Wesley, Primitive Wes...oo, mehuta yohle ya Dimethodist. Le a bona? Gomme ge...Bile le tsošeletšo ye kgolo, eupša ge ba lahletše ka mokgatlong, go diregile eng ge Pentecost e etla e bolela ka maleme le go tliša pušetšo ya dimpho? Ga se ba kgone go šutha; ba ba biditše bodiabolo.

¹¹¹ Bjale Pentecost e dirile eng? Selo sa go swana ba dirilego! Gomme ba kae? Feela go hwa bjalo ka sepikiri sa lemati. Ee, mohlomphegi! Yeo ke tlwa. “Ke tla lahlela bana ba gagwe malaong a—malaong a lehu, gomme ka ba bolaya.” Gabotse, anke—anke ke bale yeo gore le tle le bone fa, ke a dumela ke temana ya 22:

Gomme *Ke tla mo lahlela ka malaong, le ba ba*
dirago bootswa le yena ka go tlaišego ye kgolo, (tla—tla
Tlaišego ye kgolo)... .

¹¹² Seo ke se se yago go kgabola. Bjale elelwang, anke ke eme fa feela motsotsa, Tlaišego yela ye Kgolo ke yeo—yeo ye e yago go lahlela ka gare fale, ke batho bale ba e lego dikgarebe tše di robetšego tše di sa bago le oli ka maboneng a bona; efela ba be ba le ba mokgatlo, batho ba go loka, ba ile kerekeng, se sengwe le se sengwe; eupša ba tlela oli, eupša thari kudu nakong yeo. Le a bona, go mo lahlela ka Tlaišegong ye Kgolo, o tla ya ka go yeo, kereke ya Katoliki e ya ka gare, bana ba gagwe bohole ba ya le yena, ka Tlaišegong ye Kgolo.

... *ge e se ge ba sokologa medirong ya bona.*

¹¹³ E sego—e sego bana ba ba lego ka fale; eupša kereke yonamong, bao ke bana ba gagwe (ke mokgatlo), e sego batho bale ba lego ka fale, Makatoliki a go šokiša, Mabaptist, Mopresbyterian, goba Mapentecostal. Ke ba kwelabohloko. Feela, “Gabotse ke...”

“A o Mokriste?”

“Gabotse, ke nna Mopresbyterian.” Oo!

¹¹⁴ Seo ga se bontši go dira le Yona go feta go re “kolobe ka sala ya ka thoko godimo ga pere ya mokato.” Kafao ke eng ka lefaseng

re ka e dirago ka yona? Gobaneng, ga go selo le gannyane. Ga se ke re seo go swaswa, seo ke . . . le ga se . . . ga se lefelo la metlae, ye ke—ye ke Ebangedi. Le a bona? Ke nno nyaka go fa seswantšho. Le a bona, eupša yeo—yeo e lokile. Le a bona, ga ba ne—ne bontši go dira le Yona go feta selo.

“Ke nna Mopentacostal.”

¹¹⁵ Seo ga se ne bontši go dira le Yona go feta selo. O ka no ba wa masomenne lesometee la mekgatlo ya bona, eupša afa o ngwana wa Modimo yo a tswetšwego gape? Ka kgonthe, a o rata yo mongwe le yo mongwe ka pelo ya gago yohle, ka soulo ya gago, gomme o rata Modimo, gomme tšatši ka tšatši o . . . ga go kgathale se e ka ba mang a go dirago? Ge o phagamela godimo gomme wa re, “Mmmm!” boka saga ye e bobolago, go no bontšha Moya wo Mokgethwa o khudugile, ge eba o kile wa ba le Ona.

¹¹⁶ Lebelelang:

. . . ntle le ge a *sokologa go mediro* yela.

Gomme Ke tla bolaya bana ba gagwe ka lehu; . . .

¹¹⁷ “Bana ba gagwe,” ba Isebele. Bjale, Isebele o dirile eng? O nyadišitše morwedi wa gagwe ka go legoro (la Juda) godimo fale, godimo ka go Juda. Bjale šetšang tirišo ya semoya. Mohlomongwe nka kgona go e thala. Fa, šetšang se kgauswi ka kgonthe bjale:

¹¹⁸ Isebele šo, le Israele. Eupša Juda še, mohuta wa go fapanfa, ka go le lengwe; yo ke Josefate godimo fa. Go lokile. Bjale, yo fa e be e le Ahaba; bjale Isebele šo thwi fa. Bjale, o tla ka fa gomme o dirile Israele yohle go ya go rapeleng medingwana.

¹¹⁹ Seo ke tlwa se kereke ya Katoliki e se dirilego morago mo matšatšing a yona ge Constantine a kopantše Banikolaite (ba go tonya ba fomale godimo *fa*) ka go ke—go ke—ke kereke le go bohetene, le go dira sebolepego sa bohetene sa Bokriste. Ga ke nyake go gobatša maikutlo a lena, batho ba Katoliki, eupša ke ne boikarabelo pele ga Modimo. Ke sohle kereke ya Katoliki e lego, ke sebolepego sa bohetene sa Bokriste: ditumelokhwelo, le medingwana, le se sengwe le se sengwe gape. Yeo ke nnete tlwa, feela sebolepego sa bohetene. Bjale, yeo ke therešo. Ge eba ke a hwa motsotsong wo, yeo ke therešo. Gomme Maprotestant thwi ka go selo sa go swana, feela ka go legoro le lengwe.

¹²⁰ Bjale šetšang se Isebele a se dirilego. Gona, le a bona, di—di diabolo. . . O be a ineetše kudu, o tšere barwedi ba gagwe. O bile le morwedi a belegwe *fa*, gomme morwedi yo o ya godimo *fa* go monna yo mogolo yo mokgethwa yo gomme o a tšea le go nyadisa morwa wa gagwe; gomme o tliša selo sa go swana godimo *fa* go tšwa go Josefate, godimo ka go karolo yeo.

¹²¹ Bjale, Banikolaite ba kgonthe, Banikolaite, ba go tonya ba fomale bao ba nyakilego mokgatlo, ba nyetše ka go ona *fa*. Gomme bjale hlokamelang selo sa go swana. Ba tšere Isebele *fa*,

(kereke ya Katoliki), gomme tlase *fa* o iša morwedi wa gagwe (mekgatlo ya gagwe) gomme a e nyadiša ka go yona tlase fale, le go dira selo sa go swana go bona. “Go bolaya bana ba gagwe ka lehu,” lehu la semoya. Go ba kgatlofatša go lehu, gomme selo sa pele le a tseba, Moya ohle o tlogile.

¹²² Mpotšeng. Anke ke no le botšiša selo se setee, rahistori e ka ba ofe fa, mo ke tsebago go ne ba bahlano goba ba tshelelago ba lena le dutšego fa. Ke nyake le tle le ntšhetšeng Lengwalo le letee goba—goba sengwalwa sa—sa histori, seo e ka ba efe ya dikereke tšela e kilego ya wa le go boela morago ka go mokgatlo e kilego ya ke ya tsoga gape ka tsošeletšo. Mpotšeng. Ge ba ikgatlofaditšé bonabeng, a ba kile ba ke ba le tsošeletšo ka morago ga ge ba kgatlofetše? Aowa, mohlomphegi! Moya o ba tlogile. Ke akaretša Pentecost.

¹²³ Ge Ditšhegofatšo tša Pentecostal di wele, gomme le boletše ka maleme, lena ba batala, le ne tšona Ditšhegofatšo tša Pentecostal le dilo, la wa. Ka morago ga nakwana le bile le se le se biditšego General Council. Sephedi se lokile, eupša e sego mokgatlo. Selo sa pele le a tseba, ga le kgone go e kgotlelala, la swanela go ya thwi morago le go ba “ngwana wa . . . Sathane,” le go ikgatlofatša wenamong.

¹²⁴ Gomme morago Seetša sa go latela se tlide, mabapi le Leina la Jesu Kriste. Gomme ba kgakgetšwe bohole, gomme ba rile, “Šegofatša Modimo, ge o se na leina la Jesu, o ya heleng. Gomme re ne Nalo, gomme ga o ne Nalo.” Ba dirile eng? Ba nno hwa thwi fale mehlaleng ya bona; ba dirile mokgatlo go tšwa go yona. Le a bona? Sebakeng sa go dumeleleng Seetša go no elela go kgabola kereke, e tla tšea leemo la yona ka go itiragalela. Eupša o a ikgatlofatša wenamong. Ke eng? Ngwana wa Isebele. Gomme bohole ba hwile, mmogo.

¹²⁵ Bjale ke nyaka go le botšiša se sengwe. A Assemblies of God, goba Oneness, goba—goba e ka ba efe ya tšona ka moka e kilego ya ke ya tsoga ka go tsošeletšo ye kgolo ya go hlakanelwa? Le gatee! Tsošeletšo ye ya mafelelo e nno feta hleng, gore Moya wo Mokgethwa o theogela tlase nokeng (ba bantši ba lena le dutšego fa gonabjale) ka 1933, gomme tirelo ye ye kgolo ya phodišo e be e eya go direga, o rile, “E tla swiela lefase,” gomme ga senke ya tsoge ya tla ka mokgatlo e ka ba ofe wa go fapano le gatee. Modimo o ile ka ntle ga dikgao gomme o tsošitše mohetene, go nyakile, go thoma tsošeletšo yeo. Gomme lebelelang se e se dirilego! Le a bona?

¹²⁶ Yona mekgatlo, ka pela ge ba kgatlofatša, ba hwile. O rile, “Ke tla bolaya bana ba gagwe ka lehu.” Oo, nna! Ke a tseba le . . . Hle le se ikweleng gampe ka nna, eupša ke . . . Ge ke tseba Se gomme ka se Se bolele, ke moikaketši wa fasefase, gomme Modimo o tla ntshwara boikarabelo go Yona. Ke nyaka go ba

boka Paulo, “Go se šie go kwagatša keletšo ka moka ya Modimo.” Yeo ke nnete. Go lokile. Go lokile.

¹²⁷ Bjale, gomme ba agile dialetara ka Jerusalema. Bjale ke nyaka go bona . . . Gomme ge Isebele a nyetšwe ke Ahaba, o tlišitše diswantšho go Israele go di khunamela. Thuto ya Banikolaite e dirile bjalo, go nyalwa ka go bohetene; ba theoštše Jupitere, ba bea Petro; gomme Venus, go Maria; gomme bjalo ka ge Beibele e boletše, “O dirile Israele yohle go dira sebe.”

¹²⁸ Kafao kereke ya Katoliki e dirile barwedi bohole go nyalwa ka go mokgatlo, gomme selo ka moka ke sebe, boka Isebele go morwedi wa gagwe. Go lokile. Gomme go direng se ge boetapele bo hlomiwa, gomme Mopapa Boniface—Boniface II o tšere setulo sa gagwe, gomme ba bile le mo—mo modimo godimo ga terone, ba be ba se sa na mohola wa Moya wo Mokgethwa ka kerekeng. Yeo ke nnete. Ba ne dithutotumelo le difomale tša bona, gomme ba ya pele.

¹²⁹ Gomme ge mokgatlo o amogetše thutotumelo ya go swana, ba gataketše tokologo ya Moya wo Mokgethwa go kereke, Baptist, Presbyterian, Methodist, le go ya pele. Ka kgontha ba dirile! Gomme ka go nanya re ba bona ba hlohlorega le go hwa boka Jesu a boletše tša mobeine. Bjale, Moya wo Mokgethwa ohle ka go maswao le matete o ile wa beelwa morago go letšatši le le fetilego. Gomme ba bile go huma, boka a dirile. Kafao o dirile lefase ka moka go dira sebe, gobane o ile go setšhaba se sengwe le se sengwe, yena le barwedi ba gagwe. Yeo ke nnete.

¹³⁰ Bjale šetšang A mmitša ka go lebaka le lengwe la kereke bjale. Šetšang A mmitša. Šetšang A loba tlase fa mo bofelong, gomme a ntšha Mašalela a Gagwe, “bakeng sa Bakgethiwa,” feela ba se nene, gore ga go nama e ka go phološwa ge . . . go sego ye nngwe.

¹³¹ Bjalo ka ge go ngwadilwe ka go Kutollo 13:6. Le rata go tla go yeo feela motsotso? Gore O boletše O . . . gore “Mosadi yo o dirile bohole go amogela mmaparaka (sebata se se dirile), go dira bohole go amogela mmaparaka (bobedi modiidi, yo mogolo, e ka ba mang ba lego), mmaparaka wa sebata,” e bego e le Kereke ya Katoliki ya Roma.

¹³² E ka ba yeo goba ba dirile seswantšho . . . Kutollo 13:14, ba diretše sebata seswantšho. Lena—lena . . . ke a thankha bohole le bala yeo. Ge le sa nka, gabaneng, re tla retologela thwi morago le go e bala. Kutollo 13:14:

Gomme o forile bona ba ba agilego go lefase ka lebaka la mehlolo yeo ye a bilego le maatla go e dira pele ga sebata; (Seo ke mokgobokano wo wa kereke). . . . le go dira mo pele ga sebata; a re go bona ba ba agilego go lefase, gore ba swanetše go direla seswantšho go sebata, se se bilego le ntho ye šoro (bohetene) . . . gomme e bile

ka tšhoša, gomme sa phela . . . (ka bomopapa, Roma ya bohetene go ya go Roma ya bomopapa. Le a bona?)

¹³³ “Go mo direla seswantšho.” Se tla ba eng? Feela se ba se dirago gonabjale, feela tlwa, go sepeleleng godimo ka go mokgobokano wo wa dikereke, “Dikereke tšohle ke tša mokgatlo wo, tšohle di ya sehlopheng se tee.” Bjale ba dira Beibele. Gomme Mopapa John o laleditše bohole morago. Mopišopomogolo wa Canterbury, bohole ba ya tikologong. Selo sa mathomo le a tseba, selo ka moka se tla morago go *Mama*, gobane ke bommalegogwana le go thoma. Le a bona? Ba re, “Bohole re tla tšoena mmogo ka go taba e tee ye kgolo go Iwantšha Bokomonisi.” Gomme ga ba tsebe gore Modimo o tsošitše Bokomonisi (Nka netefatša seo ka Beibebe.) gomme ebile ba bea menagano ya bona go lefeletša bakgethwa, go madi ao ba a tšholotšego lefaseng. Modimo o breakantše Bokomonisi feela go swana bjalo ka ge A dirile Kgosi Nebuladinetsara go—go kgala Israele. O tsošitše Bokomonisi, gomme letšatsi le lengwe o tla šwalalanya Roma thwi go tloga mmepeng. [Ga go selo go theipi—Mor.] Yeo ke tlwa. Modimo o boletše bjalo. Yeo ke nnete.

Ke thulana le bokomonisi; bo lwa le Modimo. Ka kgonthe go bjalo. Eupša le se bee šedi ye ntši kudu go Garetene yela ya Tshipi, eupša šetšang garetene yela ye moretele. Balang *Book of Martyrs* ya Fox gomme le tla bona se, yeo ke nnete.

¹³⁴ Bjale a re boneng moo re . . . Gomme gona le a bona fa bjale gore o dirile bohole (bahumi, badiidi) go amogela mmaraka; eupša go ne legoro le letee leo a sa kgonago go le kgwatha. Le tseba leo? Kutollo 13: . . . 8.

¹³⁵ Theetšang se. Anke ke bale se:

Gomme ke eme godimo ga lešabašaba la lewatle, gomme ke bone sebata se tsoga go tšwa mawatleng, se na le dihlogo tše šupago le dinaka tše lesome, . . . godimo ga dinaka . . . mefapahlogo, le godimo ga dihlogo leina la mahlapa. (Tšeо ke dithaba tše šupago; re e tšere bosegong bja go feta, le a tseba.)

Gomme sebata se o se bonego se be se le boka lepogo . . . maoto boka—boka bera, gomme molomo . . . molomo wa tau: gomme terakone (E bego e le diabolo yo mohubedu yoo a bego a rme pele ga mosadi go metša ngwana wa gagwe, e bego e le Roma, re a tseba.) . . . gomme o mo file . . . maatla, le setulo sa gagwe, le maatlataolo a magolo.

Gomme ke bone ye nngwe ya dihlogo tša gagwe o ka re e be e gobetše go iša lehung; (bohetene, le a bona) . . . gomme ntho ya gagwe ye šoro ya fola: (bomopapa bo tšea lefelo la bjona, bo tšoenane le Bokriste, ke Banikolaite) . . . gomme lefase lohle la tlabega ka morago ga sebata.

¹³⁶ Bokatoliki bo be go swieletše ka go setšhaba se sengwe le se sengwe ka tlase ga magodimo. Yeo ke nnete. Bjalo ka ge Daniele a boletše ka ga tshipi e eya ka go letsopa, le go ya pele.

¹³⁷ Gomme ke tla le fa selo se sennyane go yeo, yeo “tshipi le letsopa.” A le lemogile, goba a nkile ka tsoge ka e tsopola go lena, ka go khonferense yela ya mafelelo ye kgolo ba bilego le yona godimo fa moo Khrushchev a rotšego seeta sa gagwe le go betha tafola ka sona? Go be go ne ditšhaba tše tlhano tša bohlabela di kgobokane fale, go be go ne ditšhaba tše tlhano tša bodikela. Khrushchev o bile hlogo ya ditšhaba tša bohlabela, Eisenhower o bile hlogo ya ditšhaba tša bodikela; šebao baetapele ba babedi ba bagolo, menwana ye megolo ye mebedi. *Khrushchev*, ka Russia, go ra “letsopa.” *Eisenhower*, ka Amer-...ka seisemane, go ra “tshipi.” Re mo bofelong.

Gomme ba rapetše terakone ye e filego ma maatla go sebata: gomme... (Woo ke molaetša wa rena wa go latela fa mo tabarenekeleng, le a kwešiša.)... gomme ba rapetše sebata, ba re, Ke mang moka sebata? gomme ke mang a kgonago go lwa le sona?

¹³⁸ Ka mantšu a mangwe, lebelelang fa. Eisenhower o—o ne leina le legolo fa ka go United States ye, eupša ka Roma ga se yena selo; Russia, ga se yena selo. Khrushchev ke yo mogolo ka Russia, eupša ka go United State ga se yena selo. Eupša go ne monna o tee yoo a lego yo mogolo mogohle, yoo ke mopapa (Yeo ke nnete.) “A re ikgobokanyeng renabeng mmogo, gomme re tleng mmogo.”

Gomme o filwe molomo go bolela dilo tše kgolo... mahlapa;... o filwe maatla go tšwelapele dikgwedi tše masomenne pedi.

Gomme o butše molomo wa gagwe gomme a hlapaola Modimo, (gomme “go ruteng bakeng sa thuto ditaelo tša batho; ba hlogothata, ba monagano wa godimo, barati ba boipshino; ba ne sebopego sa bomodimo, ba gana Maatla a bjona”) ... gomme o hlapaotše leina la gagwe, (O tseré “Tate, Morwa, le Moya wo Mokgethwa” sebakeng sa “Morena Jesu Kriste.” Le a bona.) ... le tabarenekele ya gagwe, le bona bao ba dutšego ka le... ka—ka legodimong.

Gomme o filwe go lwa kgahlanong le bakgethwa, (fao go tla tlhomaro e rotoga)... le go ba fonya: gomme o ile a fiwa le maatla godimo ga meloko yohle, ... maleme, le ditšhaba.

Gomme bohle bona bao ba agilego lefaseng—lefaseng ba tla mo khunamela, bao maina a bona a se go a ngwalwa ka go puku ya bophelo ya Kwana e hlabilwego go tloga motheong wa lefase. (Oo, oo, oo, oo, oo, oo, oo.)

¹³⁹ “Motheong wa lefase.” Maina a rena, ge eba a kile a be ka Pukung, a beilwe morago fale. Jesu o rile, “Ga go motho a

kgonago go tla go Nna ntle le ge Tate wa Ka a mo goga pele, gomme bohole bao Tate a Mphilego ba tla tla go Nna. Dinku tša Ka di kwa Segalontšu sa Ka,” (Se ke Sejo, le a bona.) “gomme mosetsebje . . .”

¹⁴⁰ Ka gona a ka kgora go re, “Gabotse, ke nno tšoena kereke, ke no ba go loka boka wena.” Tšeо ga se Dijo tša dinku.

¹⁴¹ Dijo tša dinku šedi, “Ba dutše mmogo mafelong a Legodimong ka go Kriste.” Oo, O makatša kudu! A ga se Yena? Go lokile.

¹⁴² Bjale a re fetšeng thwi ka pela gobane ke, ya, ke go feta nako bjale. Go lokile. “Eupša Ke re . . .” A re boneng bjale, ke swere temana ya 23:

*Gomme Ke tla bolaya bana ba gagwe ka lehu;
gomme dikereke tšohle di tla tseba gore Ke nna yo
a puruputšago dipshio le dipelo: gomme Ke tla fa yo
mongwe le yo mongwe wa lena go ya ka mediro ya lena.*

*Eupša go wena Ke re, le go ka moka ka Thiathira,
ba bantši ba ba se nago thuto ye, . . . (Ke mohuta
ofe wa thuto o bego o le? Mokgatlo, dipišopo, le
dipišopomogolo, le bomopapa, le a bona.)*

¹⁴³ “Ba se nago thuto ye.” Bjale, Beibele, re hweditše bošegong bja go feta gore Israele, go tla go kgabola Moaba, ba be ba se setšhaba. Ba dutše godimo ga sefahlego sa lefase, gomme ba be ba le batho, ba lokologile. A yeo ke nnete? Sekai; baneneri gohle, ka ditente le go ya pele. Dihlopha tša pentecostal ke tsela ya go swana, pentecost ya thereso, ba nenera gohle lefelong go ya lefelong. Le a bona? Go lokile.

. . . gomme ga *ba ne thuto ye* (eupša ba ikgoboketša bonabeng, le go dira mokgatlo wo mogolo go tšwa go yona) . . . ba ba se *nago ye . . . le ba ba sa tsebago matebo a Sathane*, . . .

¹⁴⁴ Bjale elelwang re hweditše moo setulo sa Sathane se bego se le. Bošegong bja go feta re mo tšere thwi morago go ya mathomong. Setulo sa gagwe se be se le kae mathomong? Babilonia. Gomme Babilonia . . . Ge bo-bo boetapele, kgošimoprista wa Babilonia a be a hlomerwe ke Bakaladea ba ba fenyago, o tlide go Peregamo gomme o dirile setulo sa gagwe. Le a bona, o šuthišitše setulo sa gagwe go tloga nageng ya Sinare godimo go ya Peregamo. Re sa tšo bala seo thwi go dihistori bošegong bja go feta. Gomme bjale fao o thomile fao, o bopile kereke ya Katoliki, ye e sa lego mme Babilonia. Go lokile, “Setulo sa Sathane.”

. . . le setulo sa *Sathane*, *ge ba bolela*; *Nka se bee* morwalo wo mongwe godimo ga lena.

¹⁴⁵ “Go ka se be le morwalo wo mongwe; feela wo šetšego le ne wona.” Bonnyane bjo bonnyane bjoo bo lego ka fale, le

a bona, bao ba pitlaganyeditšwego ntle ka go Lebaka le la Leswiswi. Bjale gabotse go kgauswi le mengwaga ye makgolo a lesomehlano ba ile go kgabola leo.

Eupša swarang go tiiša se le šetšego le na le sona go fihla Ke etla. (Ka mantšu a mangwe, “Le ne Tšhegofatšo ya Pentecostal e sa le ka dipelong tša lena. Swarelelang yeo go fihla Ke etla go le fa kimollo, gobane lebaka le le latelago le no tla mo nakong ya go latela.”)

...yo a fenyago, le go lota mantšu a Ka go fihla bofelong, yena Ke tla mo fa maatla ka godimo ga ditšhaba:

Gomme o tla di buša ka molamo wa tshipi; gomme bjalo ka bjana sa mmopi se tla pšhatlagana go ba makopelo: ebile bjalo ka ge Ke amogetše go Tate wa Ka.

¹⁴⁶ Le a bona, Kereke yela, e tla ba eng ge Kereke yela ya Lebaka la Leswiswi e tsoga go ema kahlolong kgahlanong le sehlopha sela sa bohetene sa... morago fale? A ba tla ritaganyetšwa fase! Ona maoto a mphiri a tla gatikela thwi go kgabola fale, ke a le botša! “O tla ba pšhatlaganya go ba makopelo,” Beibele e boletše.

Gomme Ke tla mo fa naledi ya meso. (Le tseba se yeo e lego, a ga le? Kriste ke “Naledi ya Meso.” Go lokile.)

Yo a nago le tsebe, anke a kwe se Moya o se boditšego dikereke.

¹⁴⁷ Oo, nna! A ga se la thakgala! Go no ba thari gannyane nthatana. Ke ne bontši bjo bongwe, ke tla e topa mohlomongwe gosasa bošego, go ye ya mengwaga ye dikete tše pedi fale.

Eupša ke Yena Lili ya Moeding,
 Naledi ya go Taga le ya Meso,
 Ke yo mobotsebotse wa dikete tše lesome go soulo ya ka;
 Lili ya Moeding, ka go Yena a nnoši ke a bona,
 Tšohle ke di hlokago... le go ntira ke feletše go tlala.
 Manyaming Ke khomotšo ya ka, mathateng Ke tulo ya ka,
 O mpotša ke lahlele matshwenyego afe le afe go Yena. Haleluya!
 Ke Yena Lili ya Moeding, Naledi ya go Taga le ya Meso,
 Ke yo mobotsebotse wa dikete tše lesome go soulo ya ka;

¹⁴⁸ A le a Mo rata? Oo, ke no:

Ke a Mo rata, ke... (Bjale a re Mo tumišeng
bjale, ona ohle Mantšu le Molaetša wa go
ripa.)

Gobane O nthatile pele
Gomme a lefela phološo ya ka
Godimo ga mohlare wa Khalibari.

¹⁴⁹ A ga A makatše! Ke a Mo rata. Bjale, dilo tše ke hlaeditšego
go fihla go tšona, di tla ba ka dipukung, ka mnene, gobane re ka
se kgone go tliša lebaka la kereke ka moka ka bošego bjo botee.
Ke mohuta wa go e homotša gannyane bosegong bjo, ka lebaka
la go beng makgwakgwā gannyane nthatana. Eupša, oo, a ga A
makatše! Oo! Mmm!

Go na le batho e ka ba kae le kae,
Bao dipelo tša bona tšohle di laumago,
Ka Mollo wo o welego ka Pentecost,
Wa go ba hlwekiša le go ba dira ba hlweke;
Oo, o a tuka bjale ka pelong ya ka,
Oo, letago go Leina la Gagwe!
Ke thabile bjang gore ke kgona go re ke nna yo
mongwe wa bona.

Oo, yo mongwe wa bona, ke yo mongwe wa
bona,
Ke thabile bjang gore ke kgona go re ke nna yo
mongwe wa bona, Haleluya!
Yo mongwe wa bona, yo mongwe wa bona,
Ke thabile bjang gore ke kgona go re ke nna yo
mongwe wa bona. (A o thakgetše?)

¹⁵⁰ Ke elelwa ke etla go tšwa Chattanooga bošego bjo bongwe;
gomme sefofane se be se kotame ka—ka—ka Tennessee, tlase fale
ka Memphis. Ba mpeile ka go yela ye kgolo, hotele ye kaone fale.
Gomme ba nteleditše, ba rile, “Sefofane se tla sepela ka—ka iri
ya bošupa, mosong wa go latela.”

¹⁵¹ Gomme ke be ke tšea mangwalo tsoko tlase go bea ka
le pokising la mangwalo; go tleng gae, go ngwalela morago go
bagwera ba bangwe ba ka. Gomme go yeng tlase, Moya wo
Mokgethwa o rile, “Tšwelapele o sepela.” Ke nno tšwelapela, ka
fihla tlase ka go selete sa makhalate.

¹⁵² Ke be ke eme tlase fale, ke naganne, “Nna! Lebelela fa, ke
nako go sefofane go sepela.”

¹⁵³ Gomme Moya wo Mokgethwa o tšwetšepele o re, “Tšwelapele
o sepela.” Feela boka A dirile ka dithokgweng letšatši le lengwe
tlase fale, le a tseba. “Nno tšwelapele o sepela.” Kafao ke
tšwetšepele ke sepela.

¹⁵⁴ Ke diregile go lebelela tlasetlase fale, ka go mongwe wa
mekhukhu ye mennyanne wa makhalate moo batho ba makhalate
ba bego ba phela, ba diila, tlase fale. Gomme mokgekolo *Kgadi*

Jemima, ka nnete, ka hempe ya bašemane e bofilwe go dikologa hlogo ya gagwe, a ithekigile ka ka . . . mokgwa woo.

¹⁵⁵ Gomme ke be ke sepela fale ke opela:

Ke nna . . . wa bona, ke yo mongwe wa bona,
Ke thabile bjang gore ke kgona go re ke nna yo
mongwe wa bona, Oo, Haleluya! (“Gomme O
nyaka eng, Morena?”)

Yo mongwe wa bona, ke yo mongwe wa bona,
(A le dumela go hlahlweng ke Moya? Ee,
kgonthe.)

Ke thabile bjang gore ke kgona go re ke nna yo
mongwe wa bona.

¹⁵⁶ Go bile e ka ba mengwaga ye lesomenne ya go feta bjale. O be a lebeletše ka kua ga terata. Ke be ke e le e ka ba, oo, seripa sa poloko ya toropokgolo go tloga go yena, gomme ke bone yo wa mokgekolo, mohumagadi wa lekhalaate a tsepeletše fase thwi, le a tseba. Gabotse, ke nno tšwelapele, ka lesa go opela, ka thoma go sepelela pele tlase. Ke fihlile godimo kgauswi le yena, dikeledi tše kgolo bogolo go tšona dithama tše koto tša go akola; o ntibeletše, o rile, “Moso o mobotse, Modiša!”

¹⁵⁷ Ke retologile go rarela, ke rile, “Go bjang, Kgadi?” Gomme o rile . . . Ke retologile go rarela, o be a sega, o bile le myemyelo ye kgolo go kgabaganya sefahlego sa gagwe. Ke rile, “O tsebile bjang ke be ke le modiša?” Tlase Borwa, le a tseba, *moreri* ke “modiša.” Ke rile . . . ke rile, “O tsebile bjang ke be ke le modiša?”

O rile, “Ke tsebile o be o etla!”

Gomme ke rile, “O tsebile seo bjang? O a ntseba?”

O rile, “Aowa, mohlomphegi.” Gomme o rile, “Ke tsebile o be o etla.” O rile, “A o kile wa ke wa kwa kanegelo ka ga mosadi wa Mosunema?”

Ke rile, “Ee, mohlomphegi.”

¹⁵⁸ Gomme o rile, “Gabotse,” o rile, “Nna ke be ke le mohuta woo wa mosadi.” O rile, “Gomme Morena o mphile lesea, gomme ke mmoditše . . . ke Mmoditše gore ke tla mo godiša.” O rile, “Ke mosadi wa go itlhokela. Ke hlatswetša le go šomela batho bašweu go iphediša.” O rile, “Gomme O mpoditše gore O—O mpha lesea, gomme ke Mmoditše ke tla mo godiša.” O rile, “Ke mo godištše bokaonekaone ke tsebago bjang, eupša” o rile, “Modiša, o tsene magareng ga sehlopha sesele. O ne bolwetši, gomme re be re sa tsebe selo ka bjona.” O rile, “O fihlile seemong sa go gakala. Gomme o a hwa, ka fale mo bolaong.” O rile, “O bile go idibala bjale, matšatši a mabedi.” O rile, “Monna wa ngaka o a tla gomme o rile, ‘Bo šetše bo jele pelo ya gagwe le go ya pele, bo tsene ka go moela wa gagwe wa madi, gampe kudu go fihla bo mo gobaditše; gore selo seo ba mo fago se se ke sa mo thuša bjale.’” Gomme o rile, “O a hwa.” Gomme o rile, “Ke no se kgotlelele go

mmona a ehwa, modiradibe.” Gomme o rile, “Ke rapetše gomme ke rapetše,” o rile, “botelele bošego bjhohle ke rapetše.” O rile, “O idibetše, ga a tsebe selo.” O rile, “Ga se a ke matšatši a mabedi.”

¹⁵⁹ O rile, “Ke rapetše, ke rile, ‘Morena, O mpha lesea lela’ gomme ke rile, ‘boka O dirile mosadi wa Mosunema.’ O rile, ‘Eliya wa Gago o Kae? O kae...?’ O rile, ‘Gabotse, se kae—se kae se sengwe go nthuša?’”

¹⁶⁰ Gomme o rile, “Ke swerwe ke boroko mo matolong a ka.” Gomme o rile, “Morena o boletše le nna, mo torong,” gomme o rile, ““Eya ntle gomme o eme keiting. Gomme go tla ba le monna a etla go theoga mokgotha, a apere ye nnyane, kefa ye tshehla le sutu ye ntsho.” O rile, ‘O tla bolela le wena.’”

¹⁶¹ Gomme o rile, “Ke sa le ke ema fa pele letšatši le hlaba.” Gomme mokokotlo wa gagwe o be o thapile go tšwa go phoka. Gomme o rile, “Gomme ke go bone o etla ka kefa yeo ye tshehla,” o rile, “eupša o be o swanetše go be o rwele mokotlana wo monnyane.”

¹⁶² Ke rile, “Ke o tlogetše ka hoteleng.” Le a bona? Gomme ke rile, “Mošemane wa gago o a babja?”

O rile, “O a hwa.”

Ke rile, “Leina la ka ke nna Branham.” Ke rile, “A o a ntseba?”

O rile, “Aowa, mohlomphegi, Modiša Branham, ga—ga se nke ka ke ka kwa ka ga wena.”

Ke rile, “Ke rapela balwetši.” O be a se na kgahlego go seo. O be a sa nyake mošemane wa gagwe a hwe, modiradibe.

¹⁶³ Ke sepeletše ka gare; ba bile le keiti ya kgale ka ntlha ya mogoma e lekeletše go yona go e hwidinyetša morago (mohlomongwe bontši bja lena Baleboa le ka se tsebe se e lego), eupša, go boloka keiti e tswaletšwe. Gomme ke sepeletše ka ntlong, ka go ye nnyane, nthatana, ya kgale, kamora tše pedi (go bonagetše boka ye nnyane... ye re e bitšago “ntlo ya šotekane”) boka, e dutše fale; go ne kamora *fa*, gomme yeo ke kamora ya boikhutšo, kamora ya borobalelo, le tšohle mmogo; le morala morago *fale*. Ge ke sepeletše ka gare... E be e le lefelo le lennyane la go hlatswiwa bošweu, gomme le lebose, le okoletšwe fase ka mahlikoreng, le pote ya tlelapo. Kafao nako yeo... Aowa, ke a dumela o be a ne pampiri ya sekontiri ka godimo ga tlhaka, ke elelwa ke bona tšona tše kgolo dipuepue, boka phoka, di lekeletše ka godimo ga yona.

¹⁶⁴ Morago ge ke sepeletše ka gare, go be go ne leswao le lekeletše fale go kgabaganya lemati lela, le rile, “Modimo Šegofatša Lapa La Rena.” Thwi fa mo khoneng go be go le matrase a kgale godimo fa, gomme a mangwe godimo fa. Fale go letša moisa yo mogolo bogolo (go se na tapeiti mo lebatong), mošemane yo mogolo bogolo, mothaka yo mogolo wa go bogega bokaone a

eme fale. Ke a thank a o be a le...o imela boima bja lekgolo le masomešupa goba masomeseswai, kgauswi le kgato tše tshela. Gomme o be a swere lepai ka seatleng sa gagwe, a eya, “Mmm. Mmm.”

¹⁶⁵ Gomme o rile, “Lesea la mama.”

¹⁶⁶ Ke naganne, ““Lesea la mama.”” Gomme efela o bile le—o bile le bolwetsi bja leago, tšhofela. Gomme o—o be a ehwa.

¹⁶⁷ Gomme o mo atlide mo phatleng, le go mo phaphatha ka mokgwa wo, o rile, “Lesea la mama.”

¹⁶⁸ Gobaneng, pelo ya ka e nno ya bogolo. Ke naganne, “Ee, ga go kgathale o tebile gakaakang ka sebeng, o sa le lesea la gagwe.” Ka gona ke naganne, “Le a bona, ga go kgathale o be a le gampe gakaakang, e sa le ‘Lesea la mama.’” Gomme ke naganne, “Modimo o rile, ‘Mme a ka lebala lesea la gagwe la go anywa; eupša Nka se tsoge ka go lebala, gobane leina la gago le tlokilwe ka gare ga seatla sa Ka.’” Le a bona? E kgonega go ba bjang!

¹⁶⁹ Ke lebeletše mokgethwa yola wa go diila wa kgale a sepela go dikologa fale. O be o ka kgona go bolela, ngwanešu, ga se a be le selo ka ntlong; eupša o bile le se sengwe ka ntlong seo ntlo ye nngwe le ye nngwe ka Indiana goba mogohle gape e swanetšego go ba ka go yona; seo ke Modimo. Bokaone ke be le seo go phala go ba le legae le legolo le lekaone ka basetsana mabotong, le sohle se sa mahlapa, selo sa go selekiša. Beibele ya kgale e letše fale moo E butšwego, matlakala a kgale A e šošobantše.

¹⁷⁰ Ke mo lebeletše. Gomme o rile, “Modiša o tla go go rapelela, hani.”

¹⁷¹ O ya “Mmm. Mmm. Leswiswi. Mmm.”

¹⁷² Gomme ke rile, “O bolela eng?”

O rile, “Ga a tsebe. Monna wa ngaka o re, ‘O lahlegetšwe ke monagano.’” O rile, “O nagana o ntle ka lewatleng le legolo felotsoko, gomme o hudua sekepe, gomme o lahlegile.” Gomme o rile, “Seo ke se ke sa kgonego go se kgotlelela, Modiša: go tseba lesea la ka le a hwa, le lahlegile.” Gomme o rile, “Ke a tseba o tlide go nthuša, gobane Morena o šetše a mpoditše bjalo.”

Ke rile, “Ke tla mo rapelela,” gomme ke rile, “mohlolomongwe Morena o tla mo fodiša.”

¹⁷³ O be a se ne kgahlego go seo, o nno nyaka a phagame gomme a bolele gore o be a ‘phološitšwe.’ Seo ke phetho, feela ge a phološitšwe. Ga go kgathale, o swanetše go sepela go le bjalo, kafao, nako ye nngwe; ge feela a phološitšwe! Oo, ge re ka no hwetša mokgwatebelelo woo! Legae lela la Gosafelego mošola, o tsebile o tla phela le yena gape gona.

O rile, “Ge nka no mo kwa a re o ‘phološitšwe.’”

Ke rile, “A re khuname fase.” Gomme o khuname fase. Gomme ke nno swara leoto la gagwe, gomme leoto la gagwe le be

le tonya le go tanya ka kgonthe. Gomme ga se ke kgone go gogela seapešo godimo ga ona, lepai le lennyane—le lennyane le lesesane a le beilego godimo ga gagwe fale; gomme le no ba mmeleng wa gagwe, le a tseba.

¹⁷⁴ Gomme kafao o... Gomme o be a gogela lela morago ka mokgwa woo, a no nagana o ka go lona. O tlimaretše leo, gomme a nagana o goga mahuduo a sekepe. O tšwetšepale a re, “Go leswiswi kudu. Mmm. Mmm. Go leswiswi kudu.” Kafao morago o lekile go bolela le yena; gomme o no tšwelapele a re, “Go leswiswi le go tonya,” a nno goga.

¹⁷⁵ Nako yeo ke—ke mo lebeletše gannyane nthatana, gomme o khuname faze fale, gomme ke rile, “Kgadi, a o ka re etapele ka thapelo?”

O rile, “Ee, mohlomphegi.”

¹⁷⁶ Feela yena, le nna, le mošemane, le Moya wo Mokgethwa ka kamoreng, ke tšohle. Mokgethwa yola wa kgale or apetše. Nna! Ge a bolela le Yena, o tsebile o boletše le Yena pele. Ee, mohlomphegi! O tsebile yo a bego a bolela le yena. O rile, “Morena, ga ke tsebe se O yago go se dira,” o rile, “eupša se sengwe le se sengwe se no ba ka tsela ye O se boletše.”

¹⁷⁷ Oo, nna! Oo! Ke thakgetše kudu, ke thakgetše kudu O sa le Jesu wa go swana a bileygo morago fale le bakgethwa bale morago fale. O sa le Jesu wa go swana lehono.

¹⁷⁸ Gomme ga se nke ka tsoge ka mmotšiša ka bodumedi bja gagwe, ge eba o be a le Mobaptist, Mopentecostal, goba eng. Yeo e be e se taba ya ka. Ke be—ke be ke no latela Moya wo Mokgethwa, gomme o be a dira selo sa go swana. Re nyakile go bona se A bego a eya go se dira.

¹⁷⁹ Kafao re khuname faze, gomme ra thoma go rapela. Ge a feditše go rapela, o phagametše godimo gomme a atla hlogo ya gagwe, o rile, “Modimo, segofatša lessea la ka.”

¹⁸⁰ Gomme morago o rile, “Bjale a o tla rapela, Modiša?”

¹⁸¹ Gomme ke rile, “Ee, meme.” Gomme thwi nako yeo e be e ka ba seripa go tšwa go seswai, mohlomongwe kotara go fihla go senyane, gomme ke be ke le ka... dimaele tše pedi go tloga lefelong, gomme—gomme sefofane se thakgoga ka iri ya bošupa; gomme ga se ke tsebe ke neng ke tla kego ka tšwa.

¹⁸² Kafao ke beile diatla tša ka godimo ga sefahlego sa gagwe, ke rile, “Tate wa Legodimong, ga ke kwešiše se. Gomme Wena... Ke—ke be ke swanetše go swara sefofane nakwana ya go feta, go nyakile iri le seripa sa go feta. O nno tšwelapele o re, ‘Sepela,’ gomme se ke selo se nnoši ke se hweditše go le bjalo. Gomme o boletše gore Wena... o mpone ke etla. Ge yoo—ge yoo e be e le Wena, Morena, gona ga ke tsebe ke dire eng eupša go no bea diatla tša ka godimo ga mošemane.”

¹⁸³ O rile, “Oo, mama,” o rile, “go ba seetša ka fa bjale.” Gomme e ka ba metsotso ye mehlano go tloga nako yeo, o be a dutše ka lehlakoreng la bolao, ka matsogo a gagwe go dikologa mmagwe.

¹⁸⁴ Ke ngwegetše ntle, ka kitimela tlase fale gomme ka swara thekisi, gomme ka kitimela godimo hoteleng go tsea sutukheisi ya ka. Gomme ke naganne ke tla no ya godimo le go no leta, mohlomongwe ke swanetše go leta letšatši goba a mabedi go ona matšatši ao. Le tseba ka fao go bego go le boima thwi ka morago ga ntwa fale go hwetša sefofane, kafao ke naganne, “Ke tla swanelo go leta matšatši a se makae.”

¹⁸⁵ Gomme ke hweditše thekisi gomme ke kitimetše ntle fale, boemafofane. Fela ge ke fihla fale, ba rile, “Sefofane nomoro 196 sa Louisville, Kentucky, bjale se a thakgoga.” Modimo o swere sefofane sela mo fase bakeng sa ka, ka mokgwa woo. Oo, ke a e dumela!

¹⁸⁶ E ka ba mengwaga ye mebedi go tloga nako yeo, ke be ke eya tlase ka setimela, ke eya godimo Arizona, ga Ngwanešu Sharrit, fale go kopano. Gomme kafao ke be ke swanelo go tseana le Ngwanešu Moore le bona. Gomme kafao ge ke ile godimo fale, ke eme fale ka Memphis. Gomme setimela se tlile, ge le tseba ka fao se tlago go yeng bodikela ka mokgwa wo, gomme morago se boela morago le go tsea go retologa gomme se a tima.

¹⁸⁷ Gomme tsona disangwetši ka setimeleng, ba nyaka e ka ba disente tše masometshela go ye nngwe le ye nngwe ya tsona. Gomme ke kgona go di reka ka lesome, disente tše lesometlhano, le a tseba, ntle felotsoko gape. Gomme ke nno leta go fihla setimela se ema, go ikhweletša disangwetše tše rilego. Ke be ke eya go ikhweletša se-... lesaka go tlala la dihampeka, gomme ka kgontho go ba le mogobo go yeng godimo fale. Kafao ke tabogetše ntle gomme ka kitimela tlase go kgabola fale ka pela ka kgontho, go ikhweletša lefelo la go rekiša hampeka; go lebeleleng go dikologa, o be a eya go dula fale e ka ba metsotso ye masometharo.

¹⁸⁸ Gomme kafao ke—ke thomile go ikhweletša dihampeka tše rilego, gomme ke kwele yo mongwe a re, “Halo, fao, Modisha!” Gomme ke lebeletše go dikologa, kepisi ye nnyane ye khubedu, a eme fale a ponyaponya mahlo a gagwe, le a tseba, o rile, “Ga o ntsebe, a o a dira?”

“Ga ke dumele ke a dira, morwa.”

O tla godimo, o rile, “Ntebelele gabotse!”

Gomme ke rile, “Ya?” Ke rile, “Ga ke dumele ke a go tseba.”

O rile, “Ke a go tseba!” O rile, “O Modisha Branham!”

Gomme ke rile, “Ya, yeo ke nnene.” Ke rile, “A o kile wa ke wa ba ka go ye nngwe ya dikopano tsa ka?”

O rile, “Aowa, mohlomphegi!” O rile, “O elelwa mosong wola o tlile tlase go ntlo gomme mama wa ka o be a d-...?”

“Oo!” Ke rile, “Ga se wena yena!”

O rile, “Ee, ke nna! Ee, ke nna!” O rile, “Modiša,” o rile, “ke fodile, gabotse, le go phelega. Gomme e sego feela seo, eupša ke nna Mokriste bjale!”

¹⁸⁹ Tumišang Morena! Oo!

Ba be ba kopane ka kamoreng ya godimodimo,
 Bohle ba rapela ka Leina la Gagwe,
 Ba be ba kolobeditšwe ka Moya wo
 Mokgethwa,
 Gomme maatla bakeng sa tirelo a tlie;
 Bjale seo A se diretšego bona tšatši lela
 O tla go direla go swana, (A ga se o thakgale?)
 Ke thabile bjang gore ke kgonas go re ke nna yo
 mongwe wa bona.

Yo mongwe wa bona, yo mongwe wa bona,
 Ke thabile bjang gore ke kgonas go re ke nna yo
 mongwe wa bona, Haleluya!

Yo mongwe wa bona, ke nna yo mongwe wa bona,
 Ke thabile bjang gore ke kgonas go re ke nna yo
 mongwe wa bona.

Ga ba ne dithuto tše kgolo le dilo:

Kafao batho ba ka se rutege go ba,
 Goba go ikgantšha ka botsebalegi bja lefase,
 Bona bohole ba amogetše Pentecost ya bona,
 Ba kolobeditšwe ka Leina la Jesu;
 Gomme ba a botša bjale, bobedi kgole le
 bopepetla,
 Maatla a Gagwe le bjale a sa swana,
 Ke thabile bjang gore ke kgonas go re ke nna yo
 mongwe wa bona.

Yo mongwe wa bona, ke yo mongwe wa bona,
 Ke thabile bjang gore ke kgonas go re ke nna yo
 mongwe wa bona, Haleluya!

Yo mongwe wa bona, yo mongwe wa bona,
 Ke thabile bjang gore ke kgonas go re ke nna yo
 mongwe wa bona.

Etla, ngwanešu wa ka, nyaka tšhegofatšo ye
 Yeo e tla go hlwekiša pelo ya gago go sebe,
 E tla thoma dipele tše lethabo go lla
 Gomme e tla boloka soulo ya gago e lauma;
 Oo, o a tuka bjale ka pelong ya ka,
 Oo, letago go Leina la Gagwe,
 Ke thabile kudu ke . . .

Bjale šikinya diatla le yo mongwe ka pele, ka morago, le go dikologa:

Oo, yo mongwe wa bona, yo mongwe wa bona,
 Ke thabile bjang gore ke kgona go re ke nna yo
 mongwe wa bona, Haleluya!

Yo mongwe wa bona, yo mongwe wa bona,
 Ke thabile bjang gore ke kgona go re ke nna yo
 mongwe wa bona.

Yo mongwe wa bona, yo mongwe wa bona,
 Ke thabile kudu . . . ? . . .
 . . . yo mongwe wa bona,
 Ke thabile bjang gore ke kgona go re ke nna yo
 mongwe wa bona.

Ke yo mongwe wa bona, yo mongwe wa bona,
 Ke thabile bjang gore ke kgona go re ke nna yo
 mongwe wa bona, Haleluya!

Yo mongwe wa bona, yo mongwe wa bona,
 Ke thabile bjang gore ke kgona go re ke nna yo
 mongwe wa bona.

¹⁹⁰ Bodumedi bjo bja kgale ke eng? E thomile morago *fa*, gomme
 e rotha tsela yohle go theoga ka Madi a Jesu Kriste. Oo, nna!
 Oo, ke thakgetše gakaakang bakeng sa Ebangedi! Oo! Oo, ee,
 mohlomphegi!

E rotha madi, ee, e rotha madi,
 Ebangedi ye ya Moya wo Mokgethwa e rotha
 madi,
 Madi a barutiwa (bahwelatumelo, bohle go
 theoga), ba ba hwetše Thereso,
 Ebangedi ye ya Moya wo Mokgethwa e rotha
 madi.

Bjale, ke mohuta ofe wa Ebangedi E lego? Boka E thomile
 kua Pentecost, le a bona.

Wa mathomo go hwela polane ye ya Moya wo
 Mokgethwa,

E bile Johane Mokolobetsi (Le a bona, o
 amogetše, ka popelong ya mmagwe, le a
 tseba.) . . . o hwile boka motho;

Morago go tlide Morena Jesu, ba Mmapotše,
 O rerile gore Moya o tla phološa batho go tšwa
 sebeng.

Tšwetšepele e rotha madi, ee, e rotha madi,
 Ebangedi ye ya Moya wo Mokgethwa e rotha
 madi,

Madi a barutiwa ba ba hwetše Thereso,
 Ebangedi ye ya Moya wo Mokgethwa e rotha
 madi.

O be o ka se kgone go E kgatlofatša! Huh-uh!

Fao go Petro le Paulo, le Johane mokgethwa,
 Ba neetše maphelo a bona gore Ebangedi ye e
 kgone go phadima;
 Ba tswakile madi a bona, le baprofeta ba kgale,
 Gore Lentšu la Modimo la therešo le kgone go
 bolelwa ka potego.

Tšwetšepele e rotha madi, ee, e rotha madi,
 Ebangedi ye ya Moya wo Mokgethwa e rotha
 madi,
 Madi a barutiwa ba ba hwetšego Therešo,
 Ebangedi ye ya Moya wo Mokgethwa e
 tšwetšepele e rotha madi.

Go bile le disoulo ka tlase ga aletara, di goelela,
 “Botelele gakaakang?”
 Gore Morena a otle bale ba dirilego phošo;
 Eupša go ya go ba bontši ba tla neelago madi a
 bophelo bja bona
 Bakeng sa Ebangedi ye ya Moya wo
 Mokgethwa le lefula la yona le lehubedu.
 E tšwelapele go tsoroma madi, ee, e tsoroma ka
 madi,
 Ebangedi ye ya Moya wo Mokgethwa e rotha
 madi,
 Madi a barutiwa ba ba hwetšego Therešo,
 Ebangedi ye ya Moya wo Mokgethwa e rotha
 madi.

¹⁹¹ Bjale, go tloga nakong ya Pentecost, le bahwelatumelo ba Pentecost, tlase ka kerekeng ya Efeso, tlase ka go Peregamo, tlase ka go Thiathira, godimo ka go—go Sarede, ka go ya Efeso . . . goba ya Filadelifia, le pele tlase ka go ya Laodikia. Gomme bjale ke eng re . . . diregile eng tlase fa? Bjale ka ge Beibebe e boletše, se sengwe le se sengwe se tla ka gare, gomme sebata se se tla tsoga ka United States.

¹⁹² Le elelwa pono yeo e badilwego fa, 1933? Ke be ke eya . . . Kereke ebile e be e se ya agwa. Ke be ke sa tsebe se pono e bego e le, e beditše “mantladima.” Ke be ke sa no ba moreri yo moswa wa Baptist, gomme re be re . . .

¹⁹³ Bophelong bja ka bjhohle ke bone dipono tšela, gomme nka botšiša e ka ba mang go ema le go bolela ge eba ye nngwe ya tšona e kile ya tsoge ya šitwa. Aowa, ga senke ya tsoge! È ka se kgone! Le a bona? È ka se ke!

¹⁹⁴ Gomme bjale, gomme bjalo ka ge ke thomile sekolo sa Lamorena ke wetše ka go mantladima. Re be re se swaretše godimo fa ka go legae la kgale la Masonic, lefelo la ga Charlie Kern, sehlopha se sennyane sa rena. Gomme ke bone yo Mopresidente Roosevelt a hlahlela lefase go ntwa ya lefase. Go akanyeditswepele! Ke rile, “Gomme go na le diism tše tharo:

Nazi, le Bofasci, le Bokomonisi.” Ke rile . . . (Ke ba bakae ka fa ba elelwago?) Ke rile, “Beang mahlo a lena go Bokomonisi, yohle e tla feleta ka fale.” Ke rile, “Etiopia, Mussolini o tla ya Etiopia, eupša o tla palelwa.” Gomme ke rile, “Mafelelong re tla ya ntweng le Jeremane, eupša” ke rile, “Jeremane e tla šireletšwa ka gare, ka gare ga sehlopha se segolo sa khonkhoriti.” Mengwaga ye lesometee pele ga ge Mothaloo wa Maginot o agiwa, mengwaga ye lesometee.

¹⁹⁵ Ke rile, “Gona ka morago ga ntwa . . . Mafelelong re tla e fenya. Gomme ka morago ga ge ntwa e fedile, go tla direga gore saense e tla be e tšweletša dilo tše dikgolo.” Gomme ke rile, “Ge ba dira, ba tla dira sefatanaga, gomme difatanaga di tla ya pele di bopegela fase.” (Le a tseba ka moo di bogegilego ka gona ka ’33.) Bjale gona, ke rile, “Di tla ba boka lee, tša bogega boka mae. Gobane ke bone go tselalepho, tselalepho ye kgolo ya sekgwari, koloi e theoga mmileng yeo e bego e se ne lebilo la go otlela go yona. E be e laolwa ke maatla.” Ba ne yona gonabjale.

¹⁹⁶ Ke rile, “Mo nakong yeo . . . Bjale ba dumelela basadi go bouta; gomme basadi, go bouteng, mafelelong ba tla . . .” Ke rile, “Setšhaba se ke setšhaba sa mosadi, se marakilwe ke mosadi. Ke mosadi thwi go theoga seprofeto, mogohle; le nomoro ya lesometharo mogohle seprofetong.” Gomme ke rile, “Ke naga ya mosadi, o na le ditokelo tša gagwe fa. Gomme o tla e senya, ke yena tshenyo ya lefase.”

¹⁹⁷ (Gomme, Roy, ke swere lengwalo la gago go yeo, mosadi yola yo mogolo yoo . . . “Taba ya bosenyi bjo bongwe le bjo bongwe . . . Re ne . . . Ke e dirile X-ray go theoga bjale go: taba ya bosenyi bjo bongwe le bjo bongwe bo kilego bja dirwa ka go United States ye, mosadi o ka morago ga yona.” Seo ke nnete tlwa. Bao ke basadi ba baitshwarahlephi, le a bona, le dilo.)

¹⁹⁸ Bjale, kafao gona ke rile, “Go tla ba mo nakong yeo, mo nakong yeo basadi ba tla dumelela go bouta, gomme ba tla kgetha motho wa phošo.” Ba e dirile go dikgetho tše tša mafelelo. Yeo ke nnete. “Ye e tla thomago boithekg. Mo nakong yeo go tla direga gore—gore go tla ba le mosadi yo mogolo a tsogago ka United States, o tla be a apere wa go kgahliša,” gomme ke ne yona ka mašakaneng: (“mohlomongwe kereke ya Katoliki.”) Le a bona? “Yeo e tla tšea pušo godimo ga maatla, go fekeetša ba bangwe ka United States. O tla ba go kgahliša go mo lebelela, eupša o tla ba pelompe bjalo ka ge a kgona go ba.”

¹⁹⁹ Ke rile, “Morago ke lebeletše gape, gomme ke bone Unites States e nno rathaganywa ka ditsekeltana. Go be go se selo se šeilewego go yona.”

²⁰⁰ Gomme ke akanyeditšepele nako yeo. “Bjale ye, yeo e be e le GO RIALO MORENA.”

²⁰¹ Gomme naganang! Go tše tlhano tša dikakanyetšopele tšela tše šupago, šetše di diragetše.

²⁰² Kereke go tsea taolo, kereke ya Katoliki. Gomme go tleng ga nako ya bofelo.

²⁰³ Gomme ke rile, “Ke bone, go bonagetše e ke makobe a tuka; maswika, a pšhatlagantšwe; gomme United States ka moka e bonagetše e se ne selo, e letše ka mokgwa wola, bokgole bjoo ke kgonnego go bona moo ke bego ke eme.”

²⁰⁴ Gomme ke rile, “Ke akanyetšapele, go ya ka tsela ye nako e sepelago, e tla ba nako ye nngwe magareng ga '33 le '77.” Gomme go tla swanelo go pitla thata gampe go kgabola fale.

²⁰⁵ Gomme re dutše godimo ga sethuthupi, bagwera. Se sengwe le se sengwe se komana.

²⁰⁶ Oo, eupša Tatawešu wa Legodimong Yo a tshepišitšego, Yo a tshepišitšego! A ga go makatše go ba mohlanka wa Kriste? Dilo tšohle tše A di tshepišitšego! Gomme naganang; re ne monyetla. Yena o a phela thwi fa. Yena thwi le rena bjale, o tseba sephiri se sengwe le se sengwe sa pelo ye nngwe le ye nngwe, o tseba tšohle ka ga gago; yona mello e laumago e eya thwi go kgabola dipelo tša rena, o tseba tšohle ka ga rena, o a re rata.

²⁰⁷ Gomme a ga le thakgalele go beng ka go sehlopha sela se sennyane bonnyane, bošegong bjo, seo se bolokago Tumelo? Gobane e bile taelo ya Gagwe, “Se boife, mohlape wo mmonnyane, ke thato botse ya Tate wa Gago go go fa Mmušo. Gomme ntłe le ge mošomo wo o ka šitišwa, go ka se be le nama e phološwago.” Le a bona, re thwi mo bofelong bja nako.

²⁰⁸ Mapentecostal a ba go tonya, bolelo, a tshwelwe go tšwa molomong wa Modimo.

²⁰⁹ Feela sehlopha se sennyane nthatana se gogetšego go tšwa fale, feela ba se nene, eupša ka go seo go tla tla: “Bonang, Monyadi o a tla!” Gomme ge go direga, ye nngwe le ye nngwe ya ditetelo tše, tetelo ye nngwe le ye nngwe ya ditetelo tše, go... Elelwang, go ne ditetelo tše šupago tša tšona. Gomme re thwi go tetelo ye ya mafelelo. Eupša yo mongwe le yo mongwe wa dikgarebe tsela morago go kgabola fa o tsogile. Amene! Oo, e be e le eng? Moya wo Mokgethwa wa go swana.

²¹⁰ Gona ge kereke e ile ka go... Boka re tšere Lamorena bošego, Josefa go itira yenamong go tsebja go Israele, baena ba gagwe, o lokolotše monyalwa wa gagwe go tloga, se sengwe le se sengwe, gomme o ba rometše morago ka paleising. Gomme o eme a nnoši le Bajuda, gomme o rile, “Ke nna Josefa, ngwanabolena.”

²¹¹ E beilwe thwi godimo go Lengwalo moo ba rilego ba tla bea letšatši la sello, gomme ngwako wo mongwe le wo mongwe go itelela wonamong.

²¹² Ba rile, “Mabadi ao o a hweditše kae?”

O rile, “Ka diatleng tša...”

“Ka diatleng tša Gago?”

O rile, “Ka ngwakong wa bagwera ba Ka.”

²¹³ “Bona ba ba Mo hlabilego ba tla Mo lebelela.” Gomme šole O eme, Josefa.

²¹⁴ O rile, “Le se...” Bjalo ka ge Josefa a boletše, “Le se ipefeleleng lenabeng, gobane Modimo o e dirile go boloka bophelo.” Eng? Bophelo bja Kereke, Bantle, “Bakeng sa Leina la Gagwe, batho go tšwa go Bantle.”

²¹⁵ Oo, re mo bofelong, baena ba ka. Re fa! A go šegofatšwe Leina la Morena! A re opeleng pina ye ye bose ya kgale, bjalo ka banešu le dikgaetšedi tša pentecostal, mmogo. Bjale, o re, “Gabotse, nna ke Mabaptist.” Eupša ge o na le tšhegofatšo ya Pentecostal, o pentecostal. Uh-hum. Go lokile. Go lokile:

Go šegofala go be setlemi sela sa go tlemaganya
Dipelo tša rena ka lerato la Bokriste;
Kopanelo ya menagano ya leloko
E swana le yela ya Godimo.

²¹⁶ Bjale theetšang, bagwera. Ge go ne e ka ba ofe fa magareng ga rena, yoo ge e ka ba kae go theoga leeto la bophelo, yoo kgalako ye nnyane e tlago ka pelong ya gago, (Nkwe!) e ntšhe fale bjale. Hwetša yeo, o se tsoge wa dumelela selo . . .

[Kgaetšedi o bolela ka leleme le lengwe. Ga go selo go theipi. Ngwanešu o fa molaetša—Mor.]

Amene.

[Ngwanešu o bolela ka leleme le lengwe gomme morago o a hlatholla—Mor.]

Amene. Amene.

²¹⁷ Morena Jesu, re a Go leboga bakeng sa melaetša ye. E a re hudua, Morena go tsebeng gore ga se re šikologe eupša re bolokile tumelo. Oo, ke a rapela, Modimo, gore Moya o tla tšwelapele go dula ka kerekeng. Re boloke kgauswi go renaseng, Tate. Re boloke le Wena. Gomme sepela magareng ga rena, Morena, ka go lebaka le la kerese leo re phelago ka go lona. Eba Seetša sa rena. Phadimiša godimo ga rena, dinakong tše kgolo tše tša leswiswi, Morena, gobane re a lemoga gore kerese le dinaledi di bolela ka “leswiswi.” Gomme Morena, re thakgetše gore re bana ba Seetša, re sepela Seetšeng sa Modimo. Ga se re kokotelwe fase ka dilo tše tša lefase, eupša re bana ba Gago. Re Go leboga bjang bakeng sa dilo tše.

²¹⁸ Re Go leboga go romeleng melaetša ye bjalo ka tiišetšo ya Lentšu la Gago. Anke ka mehla O hlomphege magareng ga rena, Tate. Anke O re boloke go tloga go kgalako yohle ya lefase. Re boloke re hlwekile, gore maphelo a rena a be go sekä le go hlweka le go ba bokgethwa pele ga Gago. Anke Madi a Jesu Kriste a dire se go yo mongwe le yo mongwe wa rena, Morena. Tloša go rena, ge go ka ba le e ka ba eng le gatee ye e sa lokago. E tloše go rena, Morena. Ye ke iri ya dinako tša go puruputša.

²¹⁹ Dikopano tše di beetšwe lebaka leo go puruputša dipelo tša rena. O rile tšona dikgabo tša mollo wa mahlo a Gago, “di puruputše le go tseba dikgao tša dipelo.” Ka kgonthé O a dira, Tate. Gomme bolela morago go rena gomme gona go re botša go dira . . . go ipoloka renabeng komana iri yeo e tlago.

²²⁰ Oo, re Go leboga bjang bakeng sa se, Tate. Re tla dira seo ka tšohle tše di lego ka go rena ka mogau wa Gago. Amene.

²²¹ Oo, a ga le Mo rate? Bjale, ge go ka ba mosetsebje magareng ga rena, yeo ke tsela go bilego kua mathomong. Ge Jesu a be a le fa lefaseng, O rile, yo mongwe o Mmotšišitše ka ga taba ya lenyalo le tlhalo goba se sengwe, O rile, “Go be go se bjalo mathomong.” Swanelia go ya morago mathomong.

²²² Gona ge mathomong e be e le kereke ya Pentecostal gomme Yena a le Morara, rena re makale, nako ye nngwe le ye nngwe Morara wola o tšweletša kereke, e tla ba kereke ya Pentecostal, lekala la Pentecostal; selo sa go swana se bilego kua mathomong (Le a bona?), nako ye nngwe le ye nngwe. Bjale, o ka hloimesetša merara ye mengwe go ona gomme o tla enywa kenywa. O ka tše mo—mo mohlare wa monamune gomme wa bea swiri go ona, o tla enywa diswiri go tšwa go bophelo bja namune. Wa bea grapefruit ka thoko ga ona, o tla enywa grapefruit gobane ke kenywa ya siterase.

²²³ Kafao mekgatlo ye, dikereke tša maina le dilo, di kgomaretše fale, di bitša Bakriste, ba ka phela ka bophelo bja Bokriste. Yeo ke nnete tlwa, eupša ba tla enywa dikenya tša kereke ya leina. Yeo ke nnete. Gobane ba kgomaretše ka mokgwa wola. Eupša ge lekala lela lonamong le ka tsoge la enywa . . . goba ge Morara wola o ka tsoge wa hloga lekala, le tla ba . . . le tla ngwala Puku ya Ditiro ka morago ga lona. Yeo ke nnete tlwa. Gobane seo ke se se diregilego nakong ya pele. Lekala le lengwe le le lengwe o le enywago wonamong o tla ba le dinamune, nako ye nngwe le ye nngwe. Gomme Beibele e boletše; o bile le makala a lesomepedi go ona.

²²⁴ Oo, ke thakgetše kudu go pheleng ka tlase ga lekala leo, a ga o? Ee, mohlomphegi. Oo, go a makatša.

²²⁵ Go lokile, elelwang gosasa bošego bjale go lebaka la Fila- . . . goba Saredé. Mo . . . ? . . . go tleng pele ga mokgatlo wa Lutheran, Martin Luther . . . ? . . .



LEBAKA LA KEREKE YA THIATHIRA NST60-1208
(The Thyatirean Church Age)
TATELANO KA KUTOLLO YA JESU KRISTE

Molaetša wo ka Ngwanešu William Marrion Branham, setlogong o abilwe ka Seisimane ka Labone mantšiboa, Desemere 8, 1960, kua Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2021 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org